

MWANGANA VANAKANE



...ha upahu wa Mwata kuuneha hali etu lelo kuhichila mukuzachila eli Lizu. Kaha chinapu nge . . .

² Ou mulungu unahichi, Ngunapunga kaha chindende mwishi ya ngonde. Keshi nge kuhanjika kupwa vene mungondeko; chapwile cheseko Ngwatelele kupwa nacho, cheseko cha kumujimba. Kaha chize chikiko enu mwevwile, nge Ngwapwile muchipatalela. Chize chapwile mwomwo Ngwayile kuze shikaho Kangwatelele kukinduluka kufuma kuze kusali ya kalwijiko. Ove watela kulya chahelu, na kulya chahamavu. Kaha vakiko vatela kupwa, kala miyutu yosena yayindende, vakiko vatela kukinduluka na X-ray cheka. Oloze etu twatela kuwambata, kachi etu natupwa nakuya kusali yatulungalwiji, hakala tukweji sikisi. Ndumbu walunga Roberts na vakiko, Ngwashingtonyeka, kupwa navyo kuze mutukweji sikisi. Oloze Kangwapwile nachimweko ha myaka yiwana.

³ Ukalu, Kangwazanga kaha aze maji ajimono, chize chikiko kaha. Kaha vakiko kuhanjika nge kaweshi chuma vanahase kuhana muchihela, shikaho Ngwa, mamalelo, Ngwavijile omwo vanguhanyine vize vyuma kana. Munatachikiza, Ngunamilweke, mumujimbu wa chiyoyelo chami, omwo vize vyangulingishilengga kuviza. Kaha—kaha Ngwajinda kunwa vize vyuma kana. Kaha Ngwambile ngwami kuli ndotolo yami wamwaza kachi. . . “Kakweshi chuma chekako?”

Kaha ikiye ambile ngwenyi, “Ngunahono kushinganyeka ngocho, Ndumbu walunga Branham.”

⁴ Mamalelo, omwo uze pwevo wakalemesa kwiza muze na, kusoloka nge, pamo Nguli nakwambulula lizukula, oloze, kusoloka nge chimbwa. Echi—echi chapwile. . . Kangwamwene chikumako. Kaha Ngwakwachile muzulu wami na kuupalakanya. Oloze makumishilo Ngwayinuine.

⁵ Oloze jino, mu vyeseke vyosena, na mwosena twahichilemo, Ngwatondo kusakwilila Mwata hakweseka chakukupuka. Ngwahichile, handulendi paseti; kuhasa kuya kwosena muno mukaye kuze Ngwatondele kuya. Ngwahulile mandotolo, vaze vapwilenga vatatu hali vaze vakululwa, vaze Ngwa—Ngwashingtonyeka, mu Louisville. Kaha Ngwavahulile vakiko, Ngwambile ngwami, “Yami Nguli pamo teni peseti yautonji?”

⁶ Ngwambile ngwami, “Ove kaweshi numba na kautoji numba kakandendeko.” Ngwambile ngwami—ngwambile ngwami, “Ove uli mukulikangula chakukupuka, mukala jila.” Kaha Ngunasakwilila Kalunga. Nyi kulihya kunahase kufuma echi shina Tata wa Mwilu, talenu, kupwa kaha mujila kana?

7 Kaha ikiye ambile ngwenyi, “Vyove. . .Vyosena myaji yove kusoloka, muze, ove hakupwa mukweze.” Ikiye ambile ngwenyi, “Liundu lya manyinga ove kanda liputuke kuhokoka, mokomoko kalachuma.” Ikiye ambile ngwenyi, “Ove uli museteko ya mwaza, Ndumbu walunga Branham.”

Kaha Ngwambile ngwami, “Chamwaza, Nguliwakuwahilila.”

8 Kaha Ngwapwile nalisesa lya kuhanjika, kwambulula kuli nasi wosena mu chize chipatela, na kala ndotolo, ku Wangana wa Kalunga. Kaha ndotolo umwe, Ngwashinganyeka ikiye atelele kupwa hano chimene chino. Kaha Nguli—Nguli nakuya. . .Ngunapu wakuwahilila kutachikiza nge kuchili malunga wamwaza muno mu kaye, malunga vamwenemwene, malunga vaze vanahase kungumbata mumakumbi atanu, kuhichila mukweseka chakumujimba, uze pamo nahase kupwa na tu mokomoko seli handulendi yamandola hakala muthu. Omwo Ngwayile nakuhita, vakiko vambile ngwavo, “Echi chinapu kukungulula chetu kumulimo wa Mwata, ou uli nakulinga.” Talenu? Yaah. Keshi numba. . .Ngwambile ngwami, “Mwomwoika, enu namutukumbata, nakutuhula etu kachi ove ukwechi mukuli na etu.” Ambile ngwenyi, “Shina malombo ove hali etu!”

9 “Kaha mukachi,” vakiko vambile ngwavo, “etu tunawane kwivwa chimwe chize etu katweshi kuhasa kwivwushisa.” Kaha Ngwambile ngwami. . . “Etu. . .Echi—echi kacheshi nakusoloka kupwa. . .” Ikiye ambile ngwenyi, “Kuweluka, ove kaweshi wakulizakaminako chipwe wakuluwangisa. Oloze,” ambile ngwenyi, “mukachi, mukwechi kwivwa chize etu katweshi kwivwushisako.”

10 Ngwambile ngwami, “Kachi enu namuya nakutwama hamavu hano chindende kaha, Nanguya nakukulweka ove.” Kaha Ngwayile nakuhanjika hali evi vimweno. Echi chapwilenga wana ukwavo kuli vakiko. Vakiko kavatachikijile nachumako. Ngwawalwekele vakiko ha Mbimbiliya. Kahajino Ngwawalwekele chimweno chize Mwata anguhanyine likumbi likwavo, kaha vakiko valilile nge vakemba. Kutwama muze na kulila. Kaha Ngwa. . .vakiko. . .Ngwambile ngwami, “Ngwafwelela nge kamwanguzakamako ngolo jakulifukula mokomoko vyuma vimwe.”

11 Ngwambile ngwami, “Chakuzeneka kuhakilako, Ndumbu walunga Branham. Ngwafwelela nge na muchima wosena.” Ikiye ambile, “Oloze chuma chimwe Ngwatondo kuhanjika: Ove kawaya kushikola yakulinangula vize vyuma.” Ngwambile ngwami, “Ngwafwelela nge vakiko vafumine kuli Kalunga wa Undume.” Kaha uze hali vaze vandotolo vakulimanyina mu Louisville, mwosena vakiko vahashile. Kaha, shikaho,

Ngwapwile wakuwahilila hali chize, kaha kutachikiza pamo Mwata echa ngutumbe Mbuto jimwe kuze.

¹² Kala nasi, kuhanjika kulivakiko. Vakiko, chimene chimwe, mukulovoka mu kapete ka x-ray, Ngwahanjikile kuli va... Ngwatalile hali uze kashinakaji wakuhutwa. Ikiye apwile wakuviza chikuma. Kaha Ngwatwalileho kushikumuka, kushikumuka palanga Ngwahetele kuli ikiye. Ngwashingtonyeka nge nahase kufwa. Kaha Ngwambile ngwami, “Ngwatondo kumihula enu vihula, ndumbu wapwevo.”

Ikiye ambile ngwenyi, “Eyo, mwane.”

Ngwambile ngwami, “Ove wapwa Mukakulishitu?”

Kaha ikiye ambile ngwenyi, “Ngwapandama ku liuka lya *nganji*.”

¹³ Kaha Ngwambile ngwami, “Ngwatondo kulingisa echi hatoma to.” Ngwambile ngwami, “Ngwa—Nggwatondo kutachikiza kachi ove wapwa Mukakulishitu, kupwa vene Mukakulishitu. Chize, kachi enu namuhita hakalungalwiji wakuyoya, kwingila mu Lifuchi likwavo, enu mwamuzanga Ikiye?” Ngwambile ngwami, “Ove naupwa wakulwiliwa?”

Kaha ikiye ambile, “Eyo, mwane. Nanguya nakupwa.”

¹⁴ Kaha Ngwambile ngwami, “Kalunga akisule muchima wove jino. Numbathuhu mujila muka yize peho kuhuhwa, enu munoloka jino, nge nachiya nge ngachize.”

¹⁵ Kaha kachi etu nakupwako, kuli vathu vavavulu vamwaza vasele kaye.

¹⁶ Jino, lelo, Nguneza nakwingila na chimweno chize Nanguya kanda kulutwe. Kaha Nanguya nakuhanjika, chatete, ha Lizu lyosena, mwomwo Ngwafwelela eli Lizu linapu lyalilemu, chuma chachilemu jino. Kaha Ngunawahilila kumona Charlie Cox, kaha, ndumbu walunga, sepa lyami kwimana kuze, hamwe. Ndumbu walunga, Kangweshi kushinganyeka... Jeffries, Kangweshi kushinganyeka lijina lyenyi. Enu vavavulu vandumbu wamwaza kufuma kuli Georgia, kufuma kuvihanda vyakuhandunuka vya lifuchi. Sepa lyami wamwaka, Bill, natwame haze, Ngwafwelela echi chili, chimene echi. Kaha—kaha vavavulu... Kaha ndumbu kufuma ku Georgia, vathu vaze vanguhanyine ize suti. Enu munatachikiza, ize—ize suti yimwe yamwaza Ngwavwalaho lyehi. Kwivwa kaha chamwaza, kupwa vene chamwazako. Kaha enu munalumbununa kanawa kuli yami. Omwo Nangumilweka omu chinasoloka, mumakumbi amandende, kuli yami, enu namuya nakutala mwomwoika Ngwashingtonyeka kulumbunuka chikuma kuli yami.

¹⁷ Jino, Ngwafwelela, kachi Mwata netava, Ngwatondo kushindakana jita chikuma kuhambakana shimbu kanda, muchiyoyelo chami. Mwomwo, Ngunawane jino echi chili... Mukiko vene, Ngunahase kufwa lelo. Mukiko, enu munahono

kutachikiza. Kaha electro-cardiograms na vyuma vyosena, haji x-ray sikisiteni, yaah, chikupu mujimba, kusolwesa nge Ngwapwile mu...kupwa nge kala muthu kupwa nge, vathu hano hamavu. Shikaho Ngwasakwilila hali chize. Oloze, vyuma vyosena, numba thuhu vize, kaha nge kusakwilila na kuwahilila kuli Kalunga, nge Yami vene, kaha Ngwafwelela Ikiye hanga hangulama mu milimo Yenye, echi kachapwile nge Ikiye angulwekele chindende shimbu kanda chize, talenu, angulingishile kuwahilila chikuma.

¹⁸ Jino, Ngwashinganyeka, ufukuuno...Echi chili chosena chakwoloka na enu? [Ndumbu walunga Neville ngwenyi, “Eyo, mwane.”—Muka.] Wetu—wetu ndumbwetu walunga wamwaza ali—ali umwe wakuzeneka uminyi, ali—ali Ndumbu walunga Neville. Kaha kachi enu vamwe mwapwile hano Chalumingo chinahichi mwevwile uze mujimbu wamwaza uze ikiye anehele, ha “cruse oil,” aze alovokele-...umwe mujimbu wakulimanyina uze kanda Ngwivwe lyehi, uze wapwile kaha anehele Ndumbu walunga Neville, ha Shipilitu Wajila, Chalumingo chinahichi ngana, kuli ou utanga waundende wamikoko ou Kalunga nakungulwila hamwe.

¹⁹ Kaha kachi nachiya nakupwa chakwoloka, chakumwivwisa Mwata kuwaha, kaha na Ndumbu walunga Neville na liuka, Ngwatondo kuhanjika cheka ufukuuno na kuputuka vyakutangisa, kuhanjika, ufuku wamu Chimwe...Ngwatwale mu, ufuku wa Chalumingo, na ufuku wamu Chitatu, na Chalumingo nachizaho, vyakutangisa vize Ngwatanganga.

²⁰ Kangwazanga kutwama kuze kuchipatelako. Oloze vakiko vapwile vamwaza kuli yami, vakiko vanguhanyine kapete pamo chimbwa chandando. Kaha shikaho Ngwambachile kaha Jimbimbiliya jami, mikanda yami, na kuwahisa muhela, kaha kuhaka haze, kaha kumbata Jimbimbiliya jami na vyuma vyosena kuze. Kaha Ngwapwile vene na lwola, palanga vakiko vanehele maji amono. Lwola lwami lwamwaza lwakumine kuze vene. Ngwa—Ngwapwile wakuzeya. Oloze, Ndumbu walunga Pat, Ngwapwile vene nakuviza. Chize chuma, Ngwahonene kwimana. Kaha, oloze Ngwapwile nakupwa nalwola lwamwaza, hamakumbi atete atatu mokomoko makumbi awana. Ngwapwile nakupwa na lwola lwamwaza.

²¹ Kaha Ngwapwile nakutanga ha Mukanda wa Efwesu. Mamalelo, chize kutwama hamwe na Liuka! Kaha Ngwashinganyeka chili chuma chimwe chamwaza.

²² Kaha—kaha kachi enu, jino, kachi enu muli na liuka lize enu mweji kuyangako, enu twalilenuho na kwimana ha mulimo wove. Oloze kachi kaweshi naliukako, kaha ove unatondo kukinduluka na ufukuuno, kaha mu Chitatu naufuku, na ufuku wa Chalumingo, Ngunatondo kumbata, ufukuuno, Mukanda wakulivanga wa Efwesu, kaha Chtatu

naufuku, kapetulu wamuchivali wa Efwesu, kaha Chalumingo nachishisaho, kapetulu wamuchitatu wa Efwesu, kuhaka Liuka muchiyulo. Munatachikiza omwo Ngwatwale, Echi chili—Echi chili kuhaka, muchihela. Kaha Ngwashingtonyeka chinapu chakutunga, eli Liuka.

²³ Kangweshi. . . Yami—Yami nguli nakuhanjika echi kuli vakakwiza ku Mbalaka ya Branham.

²⁴ Kaha kachi enu vandumbwami vamwaza. . . Ngunatachikiza enu vamwe, Ngwashingtonyeka, mukwechi kuliwanawana chimwe. Ndumbwetu wamundende ali ku Sellersburg, na—na vamwe vakulihandununa, vakwechi kuliwanawana. Jino, tala, vakiko kuliwana chakuhizumuka. Enu yenu kuze. Vakiko vapwa vangamba ja Kulishitu, vakweze jamalunga vaze vanema mukachi, vaze vanalovoka. Nge naliuka lyavo vavene kukana Muchano, kaha vyuma vyangachize, vakiko vatambukile nakufumako. Kaha Kalunga avasanyikile vakiko kumulimo. Eyo, mwane. Ngwa—Ngwakumbwa uze lunga. . . Ngunahono numba kushinganyeka lijina lyauze lunga. Oloze ikiye apwa mukweze walunga, wamwaza, mukweze wamwaza kumutala, kaha pwevo wamwaza na vana.

²⁵ Kaha—kaha Ndumbu walunga Junie Jackson napunga na kuliwanawana kuno, chize chinapu chikwavo chamwaza, chuma chachilemu cha Kalunga likoji lya kukomwesa. Kaha omwo vakiko vapwile nakuhizumuka mumauka enu, enu yenu hazevene hali vakiko, mwomwo chinapu chenu. . . chize chinapu chuma chakulinga. Mwomwo, enu munahono kutachikiza, pamo napu mukashili kwiza kukamenga, kaha enu munahase kumifungulula na kutwaminyina uze muthu kuli Kulishitu, chize chinahase kupwa fweto yayinene kusali yikwavo.

²⁶ Echi chinapu kaha kutangisa nakuhaka Liuka muchiyulo, hano ha mbalaka, kulikafwa shimbu etu tulinakuya.

²⁷ Jino, Kangwanehele koloko yamiko, shikaho mthuumwe atela kungutala yami. Ndotolo nangulwekesa lyehi yami, ikiye akwechi yimwe, shikaho, ndumbwami walunga. Shikaho jino. . . [Ndumbu walunga Edgar “Ndotolo” Branham kuhanjika, “Kangweshi kukufweta ove chikumako,” kaha kuhana koloko yenyi kuli Ndumbu walunga Branham—Muka.] Ove kaweshi kungufweta yamiko chikuma hali echi? Chosena chakwoloka. Chamwaza, jino, echi chinapu chakwoloka. Chamwaza, jino, Kangwafwelela chumakana kupwa chakwolokako, kukuputuka. Shikaho. . . [“Ngwakusakwilila. Ngulinakuya nakulweka umwe hali enu.”] Jino, mamalelo, mamalelo, shii, shii, shii, shii. [“Ngwakwachile jingwee kunyima yami, halikumbi lyakusemuka chami, chimene chino, kumilingisa kaha enu kwivwa kanawa.”] Kumana enu? Jino echi chili. . . Eyi koloko yatambukile chikuma, Ndotolo. Ngwenyi ikiye apwile na jingwee teni kuyima yenyi, ha likumbi lyakusemuka, kungulisa

yami kwivwa kanawa, mwomwo kuli tu mokomoko seli mukachi ka ikiye na Yami. Shikaho enu munahase kumona hali Nguli yami, mujila yakushikumuka. Oloze, mamalelo, chize kachapwile chuma chimweko, kuli yami. Jino, Kangweshi kuhanjika chikumako.

²⁸ Jino, kachi kuli vangeji mulietu, etu pundu twatondo kumitambwokesa na michimayetu yosena. Enu muli vakutambwokesa hano ha mbalaka yayindende. Etu katweshi nazuvo yambweteko. Echi chili mukwala jino chakututungila, keshi chihela chachineneko, oloze kupwa kaha...Eyi jino yinatondeka kuyitungulula. Kaha etu tulinakuya nakweseka kututungila liuka lyamwaza lyambwende hano, linwaha shimbu etu tuli...nge Mwata mwachitavila etu kuchilinga. Kaha enu vavavulu mulinakweseka nangolo josena kutwala kuli echi, kaha etu pundu twasakwilila.

²⁹ Jino Ngwatondo kufukununa hamwe nayami, chimene chino, mu kutanga, kuli Samwele Watete kapetulu 8, nakuputukila ha, echa kuputukila ha vasi ya 19, 19 na vasi 20, pamo, kupwa mutwe wachihande.

³⁰ Kaha jino, shimbu enu namuuwana, kaha shimbu etu... Etu natuya nakutanga echi, kaha jino etu twatondo kuya mukulomba. Kaha kuliko kutondo chimwe chimene chino, kaha hanjika, "Ngwanukenu kaha"? Mukuliwana chetu chamakumishilo, milungu yivali yinahichi kuyima okwo, mokomoko yitatu, omwo Ngwapwile nakuliwana...Kuhanjika, etu...

³¹ Shikaho, shimbu enu mulinakufukununa, kuliwana chinaputuka mu Chautauqua, ha sikisi jino. Etu tuli nakuvandamina lwola lwalunene, Middletown, Ohio. Enu mukwechi kunoka chili nakwiza, twayenu. Kaha chilombo chachinene, hazevene ha kalwiji, kuze, mamalelo, etu... kunangula chosena mwevwa lyehi. Vakiko vosena helu nahamavu mukalwiji, vakakunangula, chimene hachimene, likumbi lyosena na ufuku. Shikaho vakiko vosena vakungulukile hamwe. Chapwile chilombo chachinene, chachinene kuhambakana Silver Hills, lwola lwaluvulu. Kaha—kaha jino chihela chachinene kuze etu tunahase kuhaka mukachi ka eyite na teni sauzande ya vathu. Kaha lwola lwosena yakuzala. Etu tukwechi lwola lwalunene mu Ohio.

³² Kaha Ndumbu walunga wamwaka Kidd, kuze Ngwayile nakulombelela, chimene chikwavo. Enu vosena munanuka omu ngwamilwekele, jiwiki jitatu kunyima? Ndotolo amuhanyine jiola ja twende fwo, jakuyoya. Ikiye apwile helu na kutambuka nakujinguluka. Ikiye atangile Chisoneka, mwaso uze kahashile kwimbako. Kaha omwo Ngwengilile na kutala hali ikiye, chimene chikwavo, kaha kaze kalitwayi hali ikiye. Ngwasele hano pamo jiola seli mokomoko fwo shimbu kanda likumbi,

shikaho Ngwahashile kuya kuli ikiye. Vakiko vambile ngwavo ikiye mwaya nakufwa lize likumbi; kansa yakuulunga.

³³ Kaha wenyi wamwaza, wamundende, pwevo lyenyi wamwaka, kukosela fifite ngwee ha likumbi; chize chapwile shimbu kanda likumbi lisoloke, palanga hanyima ya ufuku, ha fifite ngwee, kulama lunga lyenyi kupwa muwande nge mukakunangula. Anangwile kuhizumuka milungu yivali, kaha kutambula wana, kupwa na eyite ngwee.

³⁴ Oloze Ngwamwene vakiko kutwama kuze chimene chikwavo, vase vavandende vavali, vakakulimbata vamwaka, vakakulimbata vavandende, pamo, kutwama kuze, na kalitwayi hachifwiji chenyi. Kaha umwe wakwalumuna chenyi, wamyaka nayite tu yakusemuka, kupwa kaha wakuvanguluka kaha wamangana, kaha kupwa vene ka Pendekosita, na kutwama kuze, munatachikiza. Kaha Ngwambile ngwami, “Munatachikiza enu vathu vamwaka mwatwame kuze? Kuvandamina uze wato kwiza.” Mukiko kaha. Milimo yavo, yosena vahashile, na—na punga vakiko vahashile, kaha vakiko vapwile vakulizanga jino kuya kufweto yavo.

³⁵ Kaha Ngwahanjikile kuli Ndumbu walunga Chev, nakuli Ndumbu walunga Kidson. . . Kidd, chimene chize, “Enu namuya nakupwa kukuliwana chaku Chautauqua.”

³⁶ Ikiye angusanyikanga zau, ambile ngwenyi, “Yami. . . Nanguya nakupwa kuze, Ndumbu walunga Branham.” Kupwa kaha kanawa.

³⁷ Kuliwana chachivulu, kufuma mumulimo wami wauhya uli nakwiza. Ndumbu walunga, ndumbu walunga wamu Mbaputishiti nemana hano, mwanenyi wapwevo, kambulu, napunga kaha mujila yayindende. Kaha amulwekele, “Nanguya nakukuhana mwana wapwevo hali Yesu Kulishitu,” chimene chikwavo. Kaha omwo ikiye ayile kwimbo, ikiye vanamulwili. Kaha mukwavo umwe hano chimene chino, vatela kumujimika na kutwalilaho.

³⁸ Kaha lunga, Mukulwane. Sothmann, uze sepa lyami wakufuma ku Canada, neyewenu ali museteko yakufwa, ambile ngwenyi, “Ove naukamuwana noko wenu omwo mukaya kuze, chamwaza, mujila yakuliundungunya, chosena chakwoloka.” Omu mukiko kaha chatela kupwa. Kaha kupwa kaha. . . vathu kwiza nakwingila. Chapwilenga muwinyike jino, kutambuka. Oloze, mamalelo, etu tuli nakuvandamina chikuma, mwakulisala helu lya vyosena. Etu tuli mwapupi kaha makumbi amakumishilo, oloze mulwola lwa upahu.

³⁹ Jino enu mukwechi Mbimbiliya yenu, mangana tutange, kapetulu 8 wa Samwele? Kaha Ngwamushikile Gene kutwama kunyima, na kukopa vyosena evi. Etu tunaputuka kaha, mukuliwana chetu.

Oloze vathu vakanyine kwivwulila mulizu lya Samwele; vambile ngwavo, Nduma; oloze tunasake mwangana kupwanga mwata wetu;

Mangana nayetu...nawa tupwenga...nganomu vapwa vakamafuchi, osena mafuchi; mangana mwangana wetu atuyulenga, mangana alovojokenga kumeso etu akalwenga jijita jetu.

...Samwele evwile aze mazu avatu osena, awambulwile...mumatwitwi a YEHOVA.

Kaha YEHOVA ambile kuli Samwele ngwenyi, Ivwulila mumazu avo, uvahane mwangana. Kaha Samwele ambile kuli malunga vava Isalele ngwenyi, Yenunga muthu himuthu ku membo enu.

⁴⁰ Jino kachi Nangweseka kusakula kufuma muli eyi, chimene chino, chuma Nanguvuluka mutwe wachihande, kupwa mutwe wachihande ha minyutu yayindende, Ngunatondo kusakula mutwe wachihande: *Mwangana Vanakane.*

⁴¹ Lwapwile lwola, nge mujiola josena, luze vathu kavatondele Kalunga kuvatwaminyina. Vakiko vatondele jila yavo yautwamina. Kaha ou mujimbu chimene chino...Kaha omwo enu namuya kumembo enu, nachiya nakupwa chamwaza kuli enu kutanga mwosena. Chize chapwile mulwola lwa—lwa makumbi a Samwele, uze muthu wa Kalunga, uze kapolofweto. Kaha ikiye napunga muthu wakwoloka, kaha muthu wamwaza, wakavumbi, wakalemesa, wamuchano kaha wakushishika na vathu, wakuhona kuvahungumwisa, kaha kavalwekele chuma chekako shina kaha MUKIKO MWANAMBE MWATA.

⁴² Oloze vathu vejile nahachihela vakiko vatondele kwalumuna echi kwala. Vakiko vatalile hali va Fwilishite, kaha va Amalake, Vamole, Vahivi, na mafuchi akwavo amuno mukaye, kaha vakiko vamwene vakwavo vapwilenga na vyamyangana vavayulilenga, kaha kuvayula, kaha kuvatwaminyina, nakuzunga jijita javo, kaha navyangocho. Kaha echi chinasoloka kupwa nge Isalele vatondele kulifwanyisa vavene nge vaze va myangana, kaha nge ava vathu.

⁴³ Oloze kanda lyehi chipwenga ngachize, mukala chisemunuino, Kalunga kujina chenyi hali vathu Jenyi kuzata nge vathu vamukaye, mokomoko kupwa vakutwaminyina mokomoko kuyula nge vathu vamukaye. Vathu ja kalunga, nge lwola lwosena, chinapunga nge—nge vathu vakulipwila, vathu vakuhandunuka, vakusanyika, vakuhandunuka, kaha vosena vakuhandunuka mukuzata chavo, mujila javo, mujila javo jakuyoyela, kuhambakana vathu vamukaye. Jipeha javo ha vyuma, na kulilengulula chavo, chinapunga lwola lwosena chakulimbalaka na vyuma vize vathu vamukaye vafwila.

⁴⁴ Kaha vathu va Isalele kwiza kuli Samwele na kuhanjika ngwavo, “Jino, ove unakolo lyehi, kaha vana vove kaveshi

nakutambuka mwaya jila yoveko.” Mwomwo, vakiko kavapwile vamuchano nge Samweleko. Vakiko vapwilenga vakakutambula maswekeza a mali. Kaha vakiko vambile ngwavo, “Samwele, vanyike jove kaveshi nge yoveko, shikaho etu twatondo ove unyenga nakutuwanyina mwangana, kaha muwavise, kahatulingise etu kupwa vathu nge vosena vathu vamukaye.”

⁴⁵ Kaha Samwele asekele kuvalweka vakiko nge nge chize kacheshi kuhasa kuzachiwako. Ikiye ambile ngwenyi, “Kachi enu namulinga ngachize, chuma chatete enu namutachikiza, enu namuya nakuwana nge ikiye mwaya nakusanyika vanavenu kuvafumisa mumazuvo enu, kaha kuvalingisa maswalale, kutambukisa matemba eyi, nakukwata lukepwe na makunga. Keshi ngocho kahako, oloze mwaya nakumbata vanavenu vamapwevo, kuvalingisa vakakumutelekela mukate, nakuvambata nakuvafumisa kuli enu, vakalise maswalale. Kaha,” ambile ngwenyi, “kuhakilaho, mwakaya nakutambula mitelo yimwe kuli enu, ya manona enu, na kungalanya chenu. Ikiye mwakatelesa vyosena, kulingisa mikuli yimwe ya fulumende, na vyangocho, ize vatela kuyifweta.” Ikiye ambile ngwenyi, “Ngwashinganyeka enu muli, hamwe, kuluwanganyisa.” Oloze omwo . . .

⁴⁶ Vathu vambile ngwavo, “Oloze etu twatondo kupwa nge vathu vosena.” Kuli chumachimwe ha malunga na mapwevo, kaha vakiko veji kufwila kupwa nge umwe mukwavo. Kaha kwapwile lunga umwe kaha uze ayoyele hano hamavu apwile chitalilo, kaha uze apwilenga Umwe uze afwile hali etu vosena, Mwata wetu na Mulwilo, Yesu Kulishitu. Ikiye apwile chitalilo chakukupuka omu twatela etu kupwa, lwola lwosena kupwa hamulimo wa Tata, na kulinga chize chapwilenga chakwoloka.

⁴⁷ Kaha numbathuhu Samwele esekele kuvashijila vathu, nakutwalilaho vakiko vayile hanyima ya ikiye, musana naufuku, “Etu twatondo mwangana. Etu twatondo lunga. Etu twatondo lunga uze etu natuhanjika, ‘Ou ikiye twamina yetu.’”

⁴⁸ Kaha chize chinapunga muchima wa Kalunga. Kanda lyehi chipwenga muchima wa Kalunga, mokomoko kanda lyehi upwenga muchima wa Kalunga, kuli muthu kuyula mukwavo muthu. Kalunga eji kuyulanga muthu. Kalunga apwa Mukakutuyula, Mwangana wetu.

⁴⁹ Kaha echi chili vene, chili vene chakulifwana na lelo, mwomwo muthu nasoloka kupwa navishinganyeka vyovimwe. Vakiko kavasolokele kupwa nakukwata chize nge Kalunga hanga ayula muthu, keshi muthu kuyula muthu.

⁵⁰ Shikaho vakiko valisakwilile vavene muthu wa lijina lya Saulu, uze apwilenga mwana Kish. Kaha ikiye apwilenga muthu wakulimanyina, muthu wakavumbi. Oloze ikiye atelele kumeso avathu, mwomwo ikiye apwilenga wamunene, wamusuku, chindume, muthu wakutaluka. Chize Chisoneka ngwacho ikiye

apwilenga na mutwe na chifwji helu lya malunga kala wamu Isalele. Ikiye apwilenga kusoloka wangana kaha, kaha ikiye apwile wamwaza kumeso. Ikiye apwile wakuzangama kaha lunga wakulitulaho.

⁵¹ Jino, uze ikiye muyachi wa muthu uze vathu vazanga kusakula lelo. Vathu kavasoloka kupwa vakusuuluka na jila Kalunga ahakile Liuka Lyenyi, kupwa vakutwamina na kutetekela kuli Shipilitu Wajila. Vakiko vanatondo mthuumwe, vathu vamwe, vikungulwilo vimwe, vathu vamwe kutwaminyina Liuka. Nge, vakiko vanapu vakutela kulimbila vavene mwosena mulivoko lya Kalunga, kupwa vakashipilitu, kupwa vakutwaminyina kuli Shipilitu Wajila. Vakiko vanatondo mthuumwe kulinga mwaya kulifukula chavo, mthuumwe mwaya nakuvalweka mwakulingila, na mwosena.

⁵² Shikaho uze lunga asolokele kutela vathu vene, mwomwo ikiye apwilenga muthu wakatanga.

⁵³ Kaha echi chinapu chakutamo nge lelo. Etu tunatondo kusakula vathu vangachize, nawa, kutetekela mauka etu, kutetekela Liuka lya Kalunga. Kakweshi chuma chize Ngunahase kuhanjika hali echiko, oloze shina kwinyika, chize: echi kacheshiko, echi kachapwileko, kaha kachapwile muchima wa Kalungako, hachuma kana. Kalunga atela kuyula vathu Jenyi, kutwaminyina kala muthu.

⁵⁴ Kahajino etu tunawane nge mwana Kish, chindume, kaha—kaha wakutaluka, kaha...kusoloka Chenyi kutela vathu, nge chikuto chenyi hali ikiye nachisoloka undume. Kaha muchama wenyi hamutwe, mujila helu ya vathu vosena, nge ikiye mwatambuka, mwapwa nge—nge luheto ku wangana wa Isalele. Mwomwo, vamyangana vakwavo vanahase, nge mafuchi akwavo, navashinganyeka, “Tala muthu kana!” Omu vakiko vahashile kwinyika munwe na kuhanjika, “Talenu hano, mwangana kana etu tukwechi! Tala chindume kana hali etu!”

⁵⁵ Kaha chuma chaushona, oloze omu chapwa muchano lelo na liuka, vakiko kuzanga kuhanjika, “kafunga Ketu muthu wakuhona manganako. Ikiye namuthu wachindume. Ikiye napu wakatanga kufuma ku Hartford,” mokomoko kushikola yimwe yayinene yakutanga chavishinganyeka vyauthu. “Ikiye apwile na mandingili awana akufuma kuchihela cha *munganji mukananga*. Kaha ikiye apwa wakufutula kanawa mukachi ka vathu.” Vyosena vinahase kupwa kanawa, kaha vili nachihela chacho. Oloze jila ya Kalunga ha Liuka Lyenyi lyatela kulitwaminyina kuli Shipilitu Wajila, na hali Shipilitu Yenyi.

⁵⁶ Oloze vakiko vazanga kuhanjika ngachize, “Etu tukwechi chikungulwilo chachinene etu twapandamako. Etu twaputukile kunyima okwo mumakumbi avakakuputuka, omwo etu twapwile tuvavandende, kupwa kaha vathu vavandende, kaha vavandende. Kaha jino etu tunakolo palanga namuno muchihela

etu tuli navikungulwilo vyavinene. Etu tuli namashikola amwaza, na vakakuzata vakutanga kanawa. Etu tukwechi lizavu lya vakuvwala kanawa. Kaha vathu vakutanga kanawa vamumbongi veji kuyanga kuchikungulwilo chetu. Kaha etu tweji kukafwa chazangi. Kaha etu tweji kulinga vilinga vyamwaza, kaha navyosena.” Kaha kakapwile chuma chekako, Chijilochi, nge Ngwatela kuhanjika lizu limwe hali chize, mwomwo chize chapwile chosena chamwaza.

⁵⁷ Oloze, hanga, echi kacheshi muchima wa Kalunga nge muthu atela kuyula mukwavo muthu. Kalunga atumine, ha Likumbi lya Pendekosita, Shipilitu Wajila kuyula michima ya vathu, na kuyula muchiyoyelo chenye. Echi kachapwile lumbunukile nge muthu atela kuyula mukwavo muthu.

⁵⁸ Oloze etu twazanga kuhanjika ngachize. Echi chili chakulimanyina omwo etu tunahase kuhanjika nge twapandama kulizavu lyalinene.

⁵⁹ “Ove wapwa Mukakulishitu?” Echi chikiko Ngunaholokela hali ou mutwe wachihande, omwo Ngwapwilenga haze ha chipatela. Kaha Ngunatondo kuhula umwe, “Ove wapwa Mukakulishitu?”

“Ngwapandama ku *munganji mukananga*.”

“Ove uli muka Kulishitu?”

“Ngwapandama ku *munganji mukananga*.”

⁶⁰ Kaha nasi wamundende ejile kusali yamuhela, kuze Ngwapwile nakutanga Mbimbiliya, kaha ikiye apwile na—na nasi wamuhya hamavu. Kaha ikiye ambile ngwenyi, “Shangwenu mwane.” Ikiye ambile ngwenyi, “Ngwafwelela nge ove yove Rev. Branham, uli hano kukujikiza cha mujimba.”

Ngwambile ngwami, “Yami vene.”

⁶¹ Kaha ikiye ambile ngwenyi, “Echa Ngunyachike munyima yove, ove wivwenga kanawa na ou wala waundende?”

Kaha Ngwambile ngwami, “Ove unahase kuchilinga.”

⁶² Kaha shimbu ikiye apwilenga nakunyachika munyima yami, ikiye ambile ngwenyi, “Kuchikungulwilo cha liuka ove wapandamako?”

⁶³ Kaha Ngwambile ngwami, “Mamalelo, Ngwapanda kuchikungulwilo chamwaka chize chapwilengako.”

Kaha ikiye ambile ngwenyi, “Chikungulwilo muka ocho?”

⁶⁴ Ngwambile ngwami, “Chikiko chimwe valivwasananyine nacho shimbu kanda kaye kanda kalivwasane.”

⁶⁵ Kaha, “Mamalelo,” ikiye ambile ngwenyi, “chumamuka? Kangweshi kufwelela nge Ngwatachikiza chize.” Ikiye ambile ngwenyi, “Ngwapandama kuliuka lya *nganji*. Echi chikiko chize chikungulwilo?”

66 Ngwambile ngwami, “Nduma, mama. Chize chapwileko mu myaka tu handulendi okwo, chize chikungulwilo. Oloze echi chikungulwilo chaputukile omwo vaze vatanganyika vachimene vembile hamwe, kaha vana va Kalunga vatambakanyine nakuwahilila, omwo vakiko vamwene kwiza cha Mulwilo kwiza nakusokola muthu.”

67 Kaha ikiye echele kunyachika munyima yami. Kaha Ngwatunjile chindende, ha mujila eyi, shikaho uze pwevo wakalemesa anyachike. Kaha ikiye apwile wakufuma kakwamwihi na Corydon, kuno vene. Etu twatela kuhanjika. Kaha ikiye ambile ngwenyi, “Mwane, Ngunapunga lwola lwosena nakufwelela nge kachi Kalunga apwa Kalunga, Ikiye hanga apwa Kalunga, lelo, chochimwe nge omu Ikiye apwilenga mumakumbi akunyima.” Ikiye ambile ngwenyi, “Chipwe liuka lyami lyakana echi hatoma, oloze Ngwafwelela nge ou unapu Muchano.”

68 Kaha Ngwambile ngwami, “Ove kaweshi kwakusuku na Wangana wa Kalungako, ove mukweze wapwevo.”

Ikiye ambile ngwenyi, “Kachi Ikiye apwilenga mukakuka, kumana Ikiye keshi kupwa hanga mukakuka?”

Ngwambile ngwami, “Ikiye mukiko apwa, ndumbwami wapwevo.”

69 Oloze muthu natondo kuyula, kaha kuyula mukwavo muthu. Kaha muthu atonda kuyula hali mukwavo. Ikiye katonda kupwa nakuyula cha Kalunga.

70 Shikaho ou mwana walunga wa Kishi, Saulu, na lijina, apwilenga kaha nakukumbulula chize vakiko vatondele, uze wakusoloka wakutela. Kaha... Mamalelo, ikiye ahashile kuvatwaminyina vakiko kujijita javo, kaha na vyangocho. Oloze, hanga, yize kayapwilenga jila ya Kalungako yakulingilamo vyumako. Kalunga atondele kapolofweto Kenyi wakushishika kuvatwaminyina vakiko, nakuhanjika Mazu Eyi kuli vakiko.

71 Jino, lelo, muchisemunuino chachinene chaliuka echi etu tuli nakuyoyelamo, etu Ngwashinganyeka, na kufwelela echi namuchima wami wosena, nge etu tunayi vene mwakulimbakana na kutongola cha Kalunga kuli etu. Mazu amakumishilo a Mulwilo wetu apwile muli Mako 16. Ambile ngwenyi:

*Kaha avalwezele ngwenyi yenu hakaye hosena,
nakwambulula mujimbu wa mwaza kutengeso yosena.*

*Wosena mwafwelela na kumujimika navamulwila; . . .
wosena mwakana kufwelela navakamupaisa.*

*Kaha evi vinjikizo navikakavangiza vaze
navakafwelela; Mu lijina lyami vakiko navakaya
nakutapula vandemone; vakiko navakaya nakuhanjika
na malimi amahya;*

Kaha kachi *vakiko* navakaya *nakukwata manoka*;
 mokomoko . . . *kunwa* . . . *chuma* chakufwa, echi nachiya
kacheshi kuvakolesa *vakiko*; kaha kachi *vakiko* . . .
kuhaka mavoko *avo hali vakaviza*, . . . *vakiko navakaya*
nakuyoya.

⁷² Kakweshi muthuko, kakweshi mwana walunga wa Kishi, mokomoko keshi wekako, kuhasa kuneha chize kusali ya utwamina wa Shipilitu Wajila. Oloze etu twatungu mashikola, etu twatundungu mashikola, na kutunga vikungulwilo, na—na kusuulwisa, na kutala nge vosena vakakaye.

⁷³ Jino, Shipilitu Wajila apwile na Twamina muli lino lifuchi. Lino lifuchi lyapwilenga nakulitwaminyina omwo kunyima . . . omwo vakiko vaseonekele kuze nakuneha kukasunuka. Kaha kuze kwapwilenga chitwamo chikwavo chakulimanyina. Kakweshi numba kukakasana chachindende muvishinganyeka vyami oloze chuma Mwana Kalunga kuze kumesa, omwo lino lifuchi valiwanyine ha jishimbi ja kukasunuka cha kulifukula na kukasunuka mwoosena, ha chikuku cha Lizu lya Hayamyaka lya Kalunga.

⁷⁴ Oloze etu tunenyeka chize. Milingu; etu tunasakula malunga muze, mwishi yakulanda nakulandulula, na jishiko jamakuli. Palanga . . . Lifuchi lyetu, na milingu yetu, na kukasunuka chetu, echi chili vene chakupihisa palanga nomu na—na kulingunda na communism na vyosena vya isms.

⁷⁵ Kaha lwola lwaluvulu etu tweji kusanyika mujiseteko ja kulomba, omwo kulwana cha mafuchi chaliwanyine, kaha kuze . . . mokomoko kupwa na kushimwitwila. Kaha muchuma chimwe, lwola lwalunene, hanovene, kuze kakwapwile numba lwola lumwe lwakusanyika hakulombelela. Omu natuya nakukumisa chize chihandwa chakuzeneka kulomba? Natuya ngachilihi nakumona, muno mukaye kosena, kulinga chuma chimwe chakuzeneka utwamina wa Shipilitu Wajila?

⁷⁶ Oloze echa yami nguhanjike na zangi yami na kalemesa kulifuchi lyetu na ize ndembele, kaha na lino lifuchi oho lyemanyina: Etu tunakane Twamina yetu, uze Shipilitu Wajila, na kuhichila mumilingu yakupola chakuneha kuli vathu vakwechi wongo wakuchongonona. Kaha kachi nge kamweshi kutala kanawako, vakiko valinakuya nakulinga kuseuka vakikovalingile, hazevene, mwomwo vathu vali nakufwila vathu kuvayula.

⁷⁷ Chuma etu twatondo chachinene muno mu United States, nge kolokoko yalifuchi, chuma etu twatondo muno mu Congress, chuma etu twatondo mujizango jakusopela, malunga vaze vanalikujika kuyoya chavo kuli Kalunga, na vakuzala na Shipilitu Wajila, kaha kutwaminyina na kutetekela cha Ukalunga. Oloze, kachi chize, etu kusakula malunga vakutanga, malunga vali na “kufwana chakumukomoka kalunga, na kukana

ngolo ja Kalunga,” malunga vaze vapwile vakuzeneka kufwelela, kaha lwola lumwe nachipwa chikuma mwamupi, etu kutuneha mu milingu, ya lifuchi lyetu.

⁷⁸ Keshi kaha ngachize kaha, oloze namumauka etu. Mauka etu aneza nakupwa akupola ha chikuku chize etu, mukusakula tufunga twetu kututwaminyina, etu tunayi kumashikola na kusakula malunga vanapu vakutaluka vakutanga, malunga vaze vakuvanguluka muwongo, malunga vaze vatange, kaha vali vavanene vakufutula mukachi kavathu, kaha vanapu vindume vakulihata navo, vaze Kangweshi nachuma chimweko hali chize. Malunga vaze valivakulumbunuka mujijila jakwenda, kulizakamina mujila javo jakuyoya, nomu veji kulisololanga vavene kuli vathu vakwavo, kaha mukachi kavathu, vindume mumande avo, chize Kangwahanjika upiko hali chize. Chijilocho nge shipilitu yami kupwa yayipi nge ngachize. Oloze, hanga, chize keshi chikiko Kalunga atusakwilako.

⁷⁹ Unapu utwamina wa Shipilitu Wajila: Kulishitu mukachi wa muchima wamuthu. Vavavulu vaze malunga vakutanga vaze veji kwimananga kuze kukamenga kukana kupwako cha Shipilitu Wajila. Vavavulu vavo kukana kupwako cha kuka cha Ukalunga na Ngolo ja Shipilitu.

⁸⁰ Ngwapwile na kutanga mukanda umwe, zau, Ngwafwelela wapwilenga, mapapilo akuliseza seza akufuma kuli Jack Coe, mbozo Jack Coe, uze . . . umwe ngwalumwine nakutwala kuli Mwata Yesu, uze apwile lunga wachindume wa puho, mulikumbi lyenyi. Kaha vamusanyikile nakumuhula, muze mu Florida, mwomwo yakuhula kanyike wamukweze kufumisa vize vyahambandu hali hinji, na kutambuka nakuya kukamenga. Kaha hakulinga ngachize, uze kanyike atambukile nakuya kukamenga, kanawa, omwo chahetele kuli naye. Vosena kupwa waktwaminyina kuli mukakole wa Kulishitu, uze mukweze wapwevo na lunga lyenyi anehele ndumbwetu walunga muzango yakusopela muno mulifuchi.

⁸¹ Kaha omwo kala liuka lyatela kwimana hali Ndumbu walunga Jack, omwo kala muthu waliuka uze mwavuluka Lijina lya Yesu Kulishitu atelele kwimana kusali yenyi, naundume wosena, kala muthu eji kusanyikanga ha Lijina lya Mwata Yesu atela kuholoka kumambuli eyi nakulomba, oloze, kachi muze, kusali yamufunda lya mapepa, chimwe chetu chachinene ha vikungulwilo ngwavyo valinungile mavoko na mukakuzeneka kufwelela, kupaisa, kuhaka muufunge Ndumbu walunga Jack Coe. Munahase kushinganyeka liuka, kulisanyika vavene ha Lijina lya Kulishitu, munahase kulinunga mavoko na mukakuzeneka kufwelela, kupaisa muthu wakalunga uze apwilenga nakweseka na muchima wenyi wosena kwimana ha Mbimbiliya? Oloze vakiko vachilingile.

Kaha jino Ndumbu walunga Gordon Lindsay apwile wakumupululula.

⁸² Kaha omwo uze chambamilonga wakuzeneka kufwelela ambile ngwenyi, “Ou lunga napu mwiji mwomwo ikiye nambate vyakukashisa mazo amwana nakuwahaka kukamenga, kaha ambile ikiye apwile ‘wakuhinduka.’ Kaha ikiye asavalile, kaha ikiye kalingile chumachimweko chakulimbakana na chiyulo cha ndotolo, shikangaho ikiye apwile na mulonga wawiji hali ikiye.”

⁸³ Kaha Mukulwane. Coe akatukile, kaha ikiye ambile ngwenyi, “Mwane, Ngunakane mujimbu kana. Kalunga ahindwile uze kanyike walunga.”

⁸⁴ Kaha uze chambamilonga ngwenyi, “Nanguya nakuhula kala muthu ali muno muzango yakusopela kachi ou mujimbu unahase kupwa muchano, nge Kalunga nahase kuka uze kanyike walunga kusongo yimwe ya kamenga, kaha echa ikiye apwenga mukakuviza kusongo yikwavo. Kachi uze mujimbu vanahase kuwinjikiza na Mbimbiliya, kahajino Ngunahase kuhanjika Mukulwane. Coe napu wakwoloka na mujimbu wenyi.”

⁸⁵ Kaha mukakuzata azundwile livoko lyenyi, kaha ikiye ambile ngwenyi, “Ove wamulemu, mwane, echa Nguchihanjike?”

Kaha uze chambamilonga ambile ngwenyi, “Hanjika.”

⁸⁶ Kaha uze mukakuzata emanyine hamahinji eyi, kaha ambile ngwenyi, “Ufuku umwe, hakalungalwi wamalolwa, omwo mbopolo yayindende yapwile tele nayitonda kulodomana kwishi, malutalilo osena akupwa vakulwiliwa akumine. Vakiko vamwene Yesu, Mwana Kalunga, ejile nakutambuka hameya. Kaha umwe hali vaze vapositolo, wa lijina lya Petulu, ambile ngwenyi, ‘Kachi Ove, Mwata, echa yami ngwizenga kuli Ove ha meya.’” Kaha ikiye ambile ngwenyi, “Ou Mwata ambile kuli kaposotolo Petulu, ‘Twaya kuno.’ Kaha ikiye afumine muze muwato, mwane, kutambuka vene nge muze Yesu apwile, kutambuka ha meya. Oloze omwo ikiye alizakaminyine, ikiye aputukile kujiminyina shimbu kanda kuheta kuli Yesu.”

Uze chambamilonga ambile ngwenyi, “Uze mulonga wakumine.”

Etu twatondo utwamina wa Shipilitu Wajila, keshi muthu mukakutangako.

⁸⁷ Saulu, mwana Kishi, apwile jino atungile kapitawu hali vathu, kaha ikiye ambachile malunga masauzande avali, kaha Jonathan ambachile sauzande. Kaha Jonathan ayile nakushikumuka nakwingila mulizavu lya maswalale na kujiha lizavu lya va Amole, na va Amole, nawa. Kaha omwo—omwo ikiye avajihile vakiko, Saulu embile ndolombita, kaha ambile, “Enu mwamono chumamuka Saulu alingile.” Ikiye aputukile kulivimba.

⁸⁸ Kachi nge muthu heteta haseteko yakupwa Ndotolo wamunene wa Ukalunga, mokomoko kupwa na chuma chachindende kunyima ya lijina lyenyi, ikiye mweza nakupwa, kuhambakana mokomoko chindende, nge atachikiza vyosena.

⁸⁹ Kalunga na vathu jenyi vapwa vakakulikehesa. Kalunga na vathu jenyi vapwa vathu vakulikehesa. Omwo enu namumona umwe mwahanjika nge vakiko vanatambula Shipilitu Wajila, na kuputuka kuhandunuka vavene, kusoloka, keshi kupwa na Lufwelelo, kuya nakujinguluka, kweseka kupwa chumachimwe chize vakiko kaveshiko, anuka kaha, vakiko kavatambwile Mwata Yesu.

⁹⁰ Kahajino etu tunawane nge mukakole kwiza nakwingila. Kaha ikiye apwile nakwiza nakwingila mukalizavu lyalindende lya vathu ja Kalunga, kaha apwile kuya nakufumisa liso chilyo lyakala muthu.

⁹¹ Muze mukiko mukole lwolalwosena kweseka kulinga, kufumisa meso osena avali, kachi ikiye nahase, mangana vathu vahone kumona vyuma muka vakiko valinakulinga. Muze mukiko Satana lelo alina kweseka kulinga kuli kala Mukakulishitu, kutukula kumona chamushipilitu, mangana ikiye ahase kaha kukavangiza mangana avyuma, kaha keshi mangana Shipilitu Wajila kumutwaminyina.

⁹² Shikaho jino omwo vakiko valingile chize, omwo wamunene ahonesele, kahajino Saulu kuvatula wamunene ngombe na kuvatuma kuli vathu vosena. Kaha Ngunafwila enu namuya nakutachikiza, omwo Saulu atumine vihanda vya ngombe kuli va Isalele, kaha ambile ngwenyi, “Echa kala muthu mwahona kukavangiza Samwele na Saulu, echa ikiye, ou ngombe, pwako nge *ngachize*.” Munahase kumona omwo mukuhungumwisa ikiye esekele kwimanyina lyavene na muthu wa Kalunga? Omu—omu vapwile vakuhona kupwa vakakulishitu! Woma wa vathu wapwile mwomwo ya Samwele. Oloze Saulu avalingishile vosena kumukavangiza ikiye mwomwo vathu vwele woma wa Samwele. “Echa vakiko kwiza Samwele na Saulu.”

⁹³ Kaha lwola lungahi, lelo, etu tunachivwu echi! “Etu tuli na Liuka lyalinene. Etu tunapu Liuka lya Kulishitu. Etu twapwa Liuka lya Kalunga. Etu twapwa na—na *mungaji na mukananga*.” Echi chinalingisa vathu kwivwa woma, na kushinganyeka nge nge pundu kukiko Kalunga ali nakuzata. Kaha vakiko kavatondele utwaminako wa Shipilitu Wajila. Vakiko vanatondo kukavangiza vathu nge ngachize, mwomwo vakiko vatonda kuyoya mwaya kuyoya chavo vavene. Vakiko vatondo kufwelela vyuma vakiko vatonda kufwelela.

⁹⁴ Mwamono? Uze Shipilitu Wajila napu Chambamilonga wetu. Kalunga kanda lyehi atuhane pope, mokomoko mishopu, mokomoko kalamuthu, kupwa Chambamilonga. Ou Shipilitu Wajila, uze Uthu wa Kalunga, muchifwanyisa cha Shipilitu

Wajila, Chambamilonga wetu kaha Twamina yetu. Jino, mwomwoika chize?

⁹⁵ Mwane vankonekele hahanjikiso yamanya, na kusoloka chamanya. Kangwatwalile nge kupwamoko. Ngunahanjika kufuma mu zangi.

⁹⁶ Oloze shipilitu Wajila ngwenyi echi chili chakuhenga kuli pwevo kuteula jikambu javo. Kaha echi chinapu chakuhenga kuli mapwevo jetu kuvwala jiputula twatundende na tumisweka tuji, na kukwita ulombo hamivumbo na kumeso avo. Ou Shipilitu Wajila ngwenyi chakuhenga.

⁹⁷ Oloze etu twatondo malunga jetu kutulweka nge chakwoloka, “Chikalu kaha etu natunukavangiza na Samwele nawa.” Vakiko vatonda kuyoya mumakumbi asikisi, mukala jila vakiko vanatondo, kaha kuya kuliuka na chimene cha Chalumingo. Kaha mukakutanga wakufuma kushikola yayinene na jindingili jamwaza nahase kuhanjika kuli vakiko na kutangisa chachindende chize nachiya...nausese muli chize, uze naukula mumatwitwi avo kulivakiko navachitavila, nge visela vimwe hakwala chamuchisaji chamivwimbimbi. Kaha kuhanjika kulomba chachindende hali vakiko, nakuvatuma vakiko kwimbo na muyachi nge—nge kulisuwulwisa mukungiwa chize vakiko valingile mwaya kulifukula chavo. Chize keshi chikiko muchima wa Shipilitu Wajilako.

⁹⁸ Ou Shipilitu Wajila natondo enu kuyoya mwakumukomoka kalunga, hakumbi hakumbi mumulungu, na kala ufuku, kuhandununa enu vavene kufuma muvyuma vyamuno mukaye.

⁹⁹ Oloze liuka kalyatonda ngachizeko. Vakiko vanatondo malunga vamwe vaze—vaze vanahase kulumbununa Mbimbiliya mujila ize vakiko vanatondo Kuchivwa. Vakiko kaveshi kwivwilila ku Lizu Iya Shipilitu Wajila kuhanjika kuhichila mu Mbimbiliya. Vavavulu mulivakiko vanatondo kuhanjika, “Makumbi avikomwesa ahita lyehi.” Chize chikiko chakwachilenga vathu. Vakiko vanatondo kuhanjika, “Kakweshi lujimiko lwa Shipilitu Wajila.” Vathu kavazangile kuzata mwakulimbalaka kuhandunuka navavosena vilinga vya mukaye. Vakiko kavazangile kuya mujila na kupwa vakukosa kumeso avoko, na—na malunga na kupwa vatoma kumeso, kaha keshi kunwa makanya mutunwa twavo, na—na makanya, na machimba, na—na vyuma vize malunga veji kulinganga. Kaha mapwevo vatondo jikambu javo kuteula jiputula jajihi, na—na jindeleji jajindende, na kusolola mijimba yavo, na vyuma vize vakiko vanatondo. Vakiko—vakiko vanatondo malunga vaze navavalweka nge, “Chize chili chakwoloka.”

¹⁰⁰ Jino, ufuku ukwavo, hano kwejile muthu nakungulweka, nge mwomwo nge Ngunanangula chakulimbalaka nachize, chize chinapu chikungulwilo chachinene, pamo vatanu vavo, ambile ngwenyi, “Etu natuya nakuholola Ndumbu walunga Branham

na kuhona kupwa nachuma chekako na ikiye. Enu munahase kusanyika kusali yikwavo ya matepu, na kulikonekela hali vakiko, mokomoko etu natuya nakukuholola.”

¹⁰¹ Ngwambile ngwami, “Nanguya nakwimana na Lizu Iya Kalunga. Kachi nachiya nakumbata vyuma vyosena vize vili muchiyoyelo chami, Nanguya nakusala lika na Lizu. Kaha Nguli . . .”

Ngwenyi, “Chamwaza, kachi ove muhona kukindulwisa tepu ya *nganji mukananga*?”

¹⁰² Ngwambile ngwami, “Kanda Iyehi ngunangule kalachuma, muchiyoyelo chami, chize Ngwevwila sonyi. Ngulinakusanyika jitepu mokomoko kakweshi vyakukopako. Ngwasala na chize Shipilitu Wajila ahanjika. Nge Ngwayoyela ha nakufwila ha.” Keshi kweseka kuhanjika hali yami Iyavene jino. Oloze Nguli kaha nakweseka kumihana kusoloka cha omu chili nakuya nakulinga, shikaho enu namuya nakumona na kwivwushisa. Vanapu vathu vanatondo kuvatwaminyina kuli vathu.

¹⁰³ Vakiko kavatondele Samwele ko. Kahajino shimbu kanda vakiko vawavise Samwele kupwa mwangana . . . mokomoko Saulu, mwangana, ngukonekele, Samwelele kwiza cheka. Kaha Ngulinakuya nakuhanjika kaha lilimi nge ikiye mwaya nakuhanjika lelo. Enu munahase kutanga echi. Ikiye ambile ngwenyi, “Ukalu uli hali na Kalunga kupwa Mwangana?”

“Chamwaza, etu katweshi nakumona Kalunga ko.”

¹⁰⁴ “Chamwaza, Ngunapu mukakumwimanyinako Ikiye,” Samwele ambile ngwenyi, “Ngwamilweka Iyehi chuma chakuhenga? Kutala Ngwapolofweta Iyehi kalachuma chize chahonene kusoloka nge muze Ngwachihanjikile? Kutala Kangwamilwekele Lizu Iya Mwata ko? Kaha Nanguya nakumilweka echi: Kutala Ngweza Iyehi kuli enu na kulembelela mali enu? Kutala Ngwamitambula Iyehi kalachuma kufuma kuli enu? Kutala Kangwaminehela Iyehi kalchumko oloze kuvangila kaha MUKIKO MWANAMBE MWATA? Kaha Kalunga nenjikiza, Iwola Iwosena, mukiko kaha wapwile Muchano.” Kaha Ikiye atumine mikalateta na jivula (Enu munatachikiza chize Chisoneka, enu, hazevene.) kwinjikiza nge Samwele apwilenga chihungo cha Kalunga.

¹⁰⁵ Kaha nge Samwele amwimanyinyine: Lelo, Shipilitu Wajila—Shipilitu Wajila napu chihungo cha Kalunga: chize cheji kuhanjikanga vene nge omu yahanjika Mbimbiliya; nge uze mwafwelela omu yahanjika Mbimbiliya, kaha kamweshi kuhandunukako kufuma kuli Echi, chipwe chindende.

¹⁰⁶ Oloze vakiko vatondele muthuumwe uze nahase kuvalweka mwakuhandunuka. Kaha vathu kavahashile kuhanjika nge upolofweto wa Samwele kawapwile wakukupukako. Vakiko vakumbulwile na kuhanjika, “Samwelele, vyosena ove unahanjika mu Lijina Iya Mwata, Mwata navinehe nakuvisolola

nge muze ove wahanjikile. Kamweshi numba mwaji numba umweko. Ove kawejilenga kuli etu na kulembelela etu hamali etuko. Ove walikafwilenga ove lyavene. Ove kanda lyehi utulweke etu kulinga kala chuma chahinene, chuma chakulimanyina cha ove. Ove unafwelela muli Kalunga kove, kaha Ikiye nakulwili ove kufuma kuvyuma vyosena. Kaha mazu ove apwa a muchano. Vyuma vyosena ove wahanjikile mu Lijina lya Mwata vinapunga lika nge muze wahanjikile. Oloze hanga etu twatondo mwangana.”

¹⁰⁷ Munahase kumona chize kumbalanganyisa? Munahase enu—enu kumona uze—uze ukenya wa liyavolo, kuzata hali muthu? Kachi alihane lyavene mokomoko lyavene kuli Shipilitu Wajila, na kwivwulila chuma MUKIKO MWANAMBE MWATA, ha kuyoya chitoma, vilinga vyakuzeneka kujilulukuka, ha chiyoyelo chakuhandunuka, vathu vakulipwila, lifuchi lya kujila, vathu vakusauka; vakiko valikachile hamwe na kaye, na kuzata nge kaye, na kuya kuliuka limwe nakuhanjika, “Chize chosena chakwoloka, kuzata nge ngachize na kuya lika.”

¹⁰⁸ Munahase kumona omu chili? Vakiko kuhanjika, “Kakweshi nge chuma chakufwana nge kuka. Mamalelo, lujimiko lwa Shipilitu Wajila lwapwile chizachiso cha liuka.” Mujila ikwavo, Kalunga ambachile malunga, ambachile Shipilitu Wajila kulovoka muliuka, na kwecha chikungulwilo kutungiwa. Kanda, kanda. Kakweshi nge chuma kanako. Ou Shipilitu Wajila, eli Lizu lya Muchano, lyapwile limitwaminyine palanga nomu mweza Yesu. Oloze muze mukiko mujila kaha—kaha chatela kuya.

¹⁰⁹ Saulu ejile muchiyulo. Ikiye wamunene... Ikiye apwile navakakumukavangiza vavavulu. Mamalelo, ikiye apwilenga na lupwe wamwaza. Ikiye apwile na vakakwimba. Ikiye apwile namalukepwe, kaha ikiye apwile na makunga. Mamalelo, ikiye apwile wakulimanyina hali osena mafuchi. Kaha ikiye avanehele nakuvengisa mulusesa lize lwahambakanyine kalachuma kala muthu apwilenga nalwo.

¹¹⁰ Kaha omu mukiko vikungulwilo vyetu na mauka analingi lelo. Etu tukwechi liuka lyalinene muno mukaye. Etu tukwechi vathu vakuvwala mwamwaza muno mukaye. Etu tukwechi vakakutanga chikuma tunahase kuneha.

¹¹¹ Nge vathu vakulongesa va Saulu vaze vahashile kumbata likunga, kaha vahashile kutambuka na kuhemesa palanga mafuchi kuvevwa woma. Vakiko vapwile vathu vakulongesa, na vyosena. Oloze, likumbi limwe, kwejile lwola kuze kwapwile mukakuhonesa alovokele. Kaha echi chili chakuwahilila maswalale vosena va Isalele vemanyine, nakundenda mujisapato javo. Ngolyate avalingishile kupwa mukakuhonesa, “Kachi Kalunga kove napu nge omu enu munahanjika Ikiye kupwa! Ove unapu wakulongesa kanawa.” Kaha ikiye avahonesele. Vakiko

kavatachikijileko chuma muka chakulinga. Kuwaha, jijita javo jamwaza kazyazachileko. Makunga avo kawazachileko. Kuze kwapwile chumachimwe vakiko vahonene kwivwa, shimbu kanda, chapwile nakusoloka.

¹¹² Kaha nakalemesa kosena na kalemesa kaukalunga, na kavumbi na kalemesa, na zangi na kulikata cha Vakakulishitu, Ngunahanjika echi: Ngwatangile, likumbi likwavo, mu African paper, kuze mwananetu wa kishi, mukakuhonesa wa evangelism, omwo Mohammedan amuhonesele, Billy Graham. Ngwenyi, “Kachi Kalunga kove napu Kalunga, echa Ikiye ahindule mukakuviza nge Ikiye ambile ngwenyi Ikiye mwaya nakulinga.” Kaha mwana Kishi, na maswalele vosena, valiholesele vavene na kuseza lifuchi, kuhonesa. Echi chinapu chasonyi. Kalunga Ketu na Kalunga.

¹¹³ Etu tukwechi mauka etu amwaza. Etu tukwechi vakakwambulula vamwaza. Etu tukwechi vakakwimba vakufwetela. Etu tukwechi vakakwimba vamwaza, tukwechi vakakusondwesa vahelu mulifuchi. Etu tukwechi malunga vamwaza, vamwe vaze vamali. Etu tukwechi vakakutanga. Etu tukwechi vakakutanga kumutwala kumutwe wachihande; etu tunahase kunangula echi; etu tunahase kuchambulula echi. Etu tunahase kwambulula na kuneha vathu nakwingila, na kupwa na jimiliyoni hamwaka hamwaka, kuvakufungulula, kwingila muliuka. [Hatepu hapimbi—Muka.] Vakakwimba vathu vakufwetela, vakakwambulula jetu vakutanga, kavatachikizako omu mwakuliwanyina na chize. Vakiko kavatachikiza chuma nachimweko. Vakiko kavatachikiza chumako cha ngolo jakuka Chenyi, lwa lujimiko lwa Shipilitu Wajila, ngolo jize jinahase kumbata muvwimbimbi wa lunga ali nakufwa na kansa, na kuvakasununa. Vakiko kavatachikiza nachumako. Vakiko vanapu vakulongesa kuya muze muwande, nge Saulu na lizavu lyakutungo kuli vathu.

¹¹⁴ Oloze echa nguhanjike kuli vathu ja Kalunga, na kuli enu vana, nge enu mwatela kutachikiza Kalunga keshi kumiseza chakuzeneka chinjiho.

¹¹⁵ Keshi kutachikiza, Saulu, Saulu katachikijile nachumako hali chize. Oloze Kalunga apwile na wamundende Ndavichi kunyima ya pili kumwe, uze kapwile nakulisa mikoko ha mwila wakutanga. Ikiye apwile nakutwaminyina vakiko kusali ya meya akuunda na mwilu ututa. Ikiye apwile wakuhakako muchima kumikoko ja ise. Kaha kachi chumachimwe nachize nakwingila, mukakole, nakumbata mukoko wa ise, ikiye atachikijile ngolo ja Kalunga najisokola uze mukoko.

¹¹⁶ Kalunga apwile lika na Ndavichi, kumwe, uze atachikiza omu chalumbunukila kusokola mukoko wa Kalunga, ha ngolo ja Kalunga. Ikiye ahanga atachikiza vyosena hali chize.

¹¹⁷ Ikiye afwelele. Ikiye katachikijile chuma chimwe hajita ja Saulu, chipwe ikiye kutonda kala chuma. Ikiye katondele kala vikungulwilo vyavo. Ikiye katondele kala jita hali ikiye. Ikiye ambile, “Ngunahono kutachikiza hali chize. Oloze echa nguyenga mungolo jize Ngunahono kutachiza hali echi.” Ikiye alishile mikoko ja ise. Ikiye alaminenga utanga. Ikiye avahanyine kulya chakutamo, kaha vakiko vayoyele na kushikima.

¹¹⁸ “Muthu keshi kayoyela ha mbolo kahako. Oloze hakala Lizu lize nalilovoka mukanwa ka Kalunga, mwakayoyela muthu.” Uze Kafunga wamuchano kuvalisa vakiko. “Yesu Kulishitu youmwe zau, lelo, na hayamyaka.” Kaha kachi mukakole mwakwata umwe, mumisongo, ikiye natachikiza ngolo ja Kalunga.

¹¹⁹ Tala hali wamundende Ndavichi, kwimana kuze. Ambile ngwenyi, “Uze mukweze apwile liswalale, kufuma kukusemuka chenyi. Kaha kufuma kuukweze wenyi, ikiye katachikiza chuma chekako shina likunga na lukepwe. Ikiye apwa wakulilongesa kanawa. Ikiye apwa mukakulinangula vyauthu. Kaha ove kawatachikiza numba chumako.”

¹²⁰ Ikiye ambile ngwenyi, “Mukiko vene, mwane. Kangwatachikiza nachumako hali kulinangula chakutanga chauthu. Oloze kuli chuma chimwe Ngunatachikiza, chize, omwo mukakole ejile nakwingila, nakumbata umwe mukoko wa tata, Ngwayile na ngolo ja Kalunga. Ngwamusokwele. Ngwamunehela walambwe kaha wakulikangula cheka. Ngwamunehela cheka mumuvwule wachimbete na kumeya atuta. Kaha Kalunga uze anguhanyine uze ndumba mumavoko ami, kaha Ngwamujihile ikiye omwo ikiye ambachile uze umwe wa—wa vana vamikoko, kaha Ikiye anguhanyine mulusu, shikaho mukiko Kalunga wa Melu mwaya nayami nakujiha ou chilima Kafwilishite.”

Etu twatondo utwamina wa Shipilitu Wajila. Kangwatachikijile makumbi ami; naumwe pimi atachikiza.

¹²¹ Chimene chikwavo Ngwapwile ngunasavala mukahela kami. Kaha Ngwapwile. . . ngunasavala, kaha Ngwalotele nge Yosefwa naviji, kaha Ngwamumbachile ikiye nakumulembelela. Kaha omwo Ngwahindikile, Ngwapwile wakupihilila. Ngwambile ngwami, “Chamwaza, pamo Yosefwa mwaya nakuviza.”

¹²² Kaha Ngwatalile, kuya kulutwe lwami, mwamundende, muvwimbimbi wilava, kusoloka nge usweuluka. Kaha chasolokele nge apwile yami. Kaha Ngwatalile. Kaha kwiza munyima apwile Muthumwe utoma, kaha apwile Ikiye. Ngwatalile kuli pwevo lyami, ngutale nge natono, mangana Ngumulwekese, kachi nahase kumona chize chimweno. Oloze ikiye apwile nasavala.

123 Ngwambile ngwami, “Mamalelo, Ngukonekele, Mwata. Oloze, echi chanpunga chiyoyelo chami. Ove wapwilenga nakukungushinjika kuchuma chosena chize Ngwalingilenga. Lwola lwosena kalachuma nachisoloka, Ngwapwile nakushinganyeka nge Ove muya nakuchilinga. Kaha Ngunatachikiza apwilenga Satana kweseka kunguhonesa yami.” Ngwambile ngwami, “Kachi Ove nauhasa kaha kungutwaminyina.” Kaha omu Ngwatalile, Ngwamwene chihanga chamwaza kanda lyehi Ngumone cha muthu walunga. Ikiye apwile kulutwe lwami, kutala kunyima. Ikiye azundwile livoko Lyenyi kaha angukwachile, nakuputuka kwenda mujila *nge* ngana. Chize chimweno changusele. Chalumingo Chinahichi nachimene, Ngwapwile, ngwahindikile chimenemene. Chize chapwile ha Sateli, echi chimweno. Ha . . .

124 Ngunapunga lwola lwosena wakulizakamina, Ngunapunga lwola lwosena nakushinganyeka kufwa. Echi, yami hakupwa fifite, echi chili, lwola lwami kalweshi . . . kangwashinganyekele nangushimbulako. Kaha Ngwalikomokelele Nangukapwa ngachilihi muze mukusoloka cha ukalunga na mujimba wa mwilu. “Nachikapwa ngachilihi omu Nangukamona masepa jami vamwaza, kuhanjika, nakaze kakandende kambundu kalinakuhita, nakuhanjika, ‘Uze mwaza muze Ndumbu walunga Neville,’ mokomoko, ikiye keshi kuhanjika, ‘Hello, Ndumbu walunga Branham?’ Kaha omwo Yesu mweza, kahajino Nanguya nakupwa muthu cheka.” Kakavulu ngunashinagenyekanga ngachize.

125 Ngwapwile nakulota nge Ngwayile ku mulauko. Kaha Ngwapwile nakwiza nakuhita chindende nge musesa, kaha puwami apwile hamwe nayami, kaha etu twapwile nakulovala. Kaha Ngwemanyine na—na kusokolola chikolo. Kaha melu apwile amwaza. Akiko kawasoloka nge omu apwa kuno muchana. Akiko apwile ausombo, kaha namavwe atoma to. Kaha Ngwahanjikile kuli pwevo lyami, Ngwambile ngwami, “Etu twatela kupwa kuno, kunyima chikuma, uchi wami.” Ikiye ambile ngwenyi, “Mwomwo ya vana, kachi tunapu kuno, Billy.” Ngwambile ngwami, “Mukiko kaha . . .” Kaha Ngwahindikile.

126 Ngwashinyekele, “Ngulinakulota chikuma!
Ngunalikomokela mwomwoika.” Kaha Ngwatalile hamavu,
kaha ikiye apwile msavala kusali yami.

127 Kaha Ngwazundukile hamusau wami, nge enu vavavulu mweji kulinganga, kuhaka mutwe wami ha—ha mutwe wamuhela, nakuhaka mavoko ami kunyima. Kaha Ngwapwile ngunasavala haze nge *ngachize*. Kaha Ngwambile ngwami, “Chamwaza, Ngunahono kutachikiza nachipwa ngachilihi, kusali ikwavo. Ngunahete lyehi fifite, kaha Kangwalingile nachuma chimweko. Kachi Ngunahase kulinga chumachimwe chakukafwa Mwata, mwomwo Ngunatachikiza Kangweshi kukapwa muthu kahako. Chimbwa chalwola lwami lunahichi,

chindende kaha, mokomoko kuhambakana chimbwa. Kachi Nanguyoya nakupwa kashinakaji nge vathu jami, chochimwe hanga chimbwa cha lwola lwami chinanyi.” Kaha Ngwatalile nakujinguluka. Kaha Ngwapwile hanga ngwasavalilanga haze, kufwila kuhinduka. Kwapwile pamo seveni koloko. Ngwambile ngwami, “Ngwafwelela nanguya kuliuka, chimene chino. Kachi Ngunawakoshoma lizu, Ngunatondo kwivwa Ndumbu walunga Neville kunangula.”

¹²⁸ Shikaho Ngwambile ngwami, “Watono, uchi wami?” Kaha ikiye apwile nasavala namitwilili.

¹²⁹ Kaha Kangwatondanga enu echi chimihite. Echi changwalumwine. Kangweshi kuhasa kupwa Ndumbu walunga Branham nge muze Ngwapwileko.

¹³⁰ Kaha Ngwatalile. Kaha Ngwevwile Chumachimwe, chatwalilejo kuhanjika, “Ove unakuputuka jino. Shindakanya jita. Twalilaho kushindakanya.”

¹³¹ Ngwanyukumwine mutwe wami chindende. Ngwashingtonanyekele, “Chamwaza, Nguli kaha pamo nakushinganyeka ngachize.” Munatachikiza, vathu vanahase kupwa na kujinuoka. Kaha Ngwambile ngwami, “Ngwajinuoka pamo kaha.”

Chahanjikile, “Jindakanya jita. Twalilaho kuya. Twalilaho kuya.”

¹³² Ngwambile ngwami, “Pamo Yami hanjika.” Kaha Ngwahakile mivumbo yami mukachi ka mazo ami, kaha kuhaka livoko lyami hakanwa kami.

¹³³ Kaha Chejile cheka, chambile ngwacho, “Twalilaho kundakanya. Kachi enu munatachikiza chapwile kusongo ya jila!”

¹³⁴ Kaha echi chasolokele nge Ngulinakwivwa Graham Snelling, mokomoko muthumwe, uze embile uze mwaso nge ngachize (Vakiko veji kuwimbanga hano, Anna Mae na enu vosena.)

Ngunaviji na kuhomba, kaha Ngunatondo kumona Yesu.

Ngusake kwivwa jize jingezo ja muchau jamwaza.

Nachiya nakuwahisa jila yami kaha nachifumisa woma wosena.

Mwata, echa ngutale kunyima ya lwola lwalihina.

Enu mwawivwa kuwimba hano ha liuka.

¹³⁵ Kaha Ngwevwile Chumachimwe kuhanjika, “Ove unatondo kutala kusali ya lihina?”

Ngwambile ngwami, “Nachiya nakungukafwa chikuma.”

¹³⁶ Kaha Ngwatalile. Mukatando kakandende, Ngwa... kuhwima chimwe Nguneza nakwingila Muchihela chachindende chakusendeleka. Ngwatalile kunyima, kaha Yami uze, kusavala hakahela. Kaha Ngwambile ngwami, “Echi chinapu chuma changeji.”

¹³⁷ Jino, Kangwazangile enu muhilukile echi. Echi chili kuliuka lyami, mokomoko kumikoko jami ava Nguli nakufunga. Chipwe chapwile ngocho, Ngwapwile muli ou mujimba mokomoko kuweluka, chipwe vangwalumwine, kachapwile nge chimweno chamiko Ngwapwile nacho. Ngwatalile Kuze, kaha Ngwatalile hano.

¹³⁸ Kaha omwo Ngwahetele kulichize Chihela chachindende, Kanda lyehi ngumone vathu vavavulu kwiza nakulaha, kutambakana, “Mamalelo, ndumbwetu walunga wamwaza!”

¹³⁹ Kaha Ngwatalile. Kaha mukweze wapwevo, pamo mummyaka yakuheta mumatwende, eyiteni na twende, vakiko vapwile nakwasa mavoko avo hali yami, na kutambakana, “Ndumbwetu walunga wamwaza!”

¹⁴⁰ Kwejile mukweze walunga, mukuwaha chaukweze walunga. Kaha meso avo kuvwakuma na kutala nge vatanganyika haufuku wamilima. Mazo avo atoma nge jipela. Kaha vakiko vapwile nakutambakana, na kungukumbata, nakutambakana, “Mamalelo, ndumbwetu walunga wamwaza!”

¹⁴¹ Kaha Ngwemanyine, kaha Ngwatalile. Kaha Ngwapwile mukweze. Ngwatalile kunyima ha mujimbawami wamwaka unasavala haze, na mavoko ami kunyima kumutwe wami. Kaha Ngwambile ngwami, “Ngunahono kwivwushisa echi.”

¹⁴² Kaha vaze vakweze ja mapwevo kumbila mavoko avo hali yami. Jino, Ngunatachikiza nge eli linapu lizavu lya kulifutula, kaha Nguli nakuhanjika echi nakuyema na kuwaha cha Shipilitu. Malunga kaveshi kuhasa kuhaka mavoko avo hali mapwevo chakuzeneka kwivwa tautau mumujimba; oloze kachapwile ngocho Kuzeko. Kuze kakwapwile zau chipwe hamene. Vakiko kavazeyeleko. Vakiko vapwile... Kanda lyehi ngumone mapwevo va mwaza muchiyoyelo chami. Vakiko vapwile na jikambu mbwe namumbunda, vifunga vyavisuku mbwe nakumahinji. Kaha vakiko vapwile vapwile kaha nakungukumbata. Kachapwile kulikumbata nge ndumbwami wapwevo, natwame haze, nahase kungukumbata. Vakiko vapwile nakunguswesweya, kaha Kangwapwile nakuvasweswenya vakikoko. Chapwile chuma chimwe chize Kangwa—Kangwapwile nachoko—na hanjikiso, Kangweshi numba na mazu akuhanjika. “Kukupuka” nauhona kukwata. “Kuwaha chakuhambakana” kacheshi kuhasa kukwachilamoko, numba kumwe. Chapwile chumachimwe chize Kanda lyehi... Ove watela kupwa Kuze.

143 Kaha Ngwatalile eyi jila, na ize jila. Kaha vakiko vapwile nakwiza, masauzande. Kaha Ngwambile ngwami, “Ngunahono kutachikiza echi.” Ngwambile ngwami, “Chamwaza, vakiko . . .”

144 Kaha nomu mweza Hope. Uze apwile pwevo lyami watete. Ikiye alahile, kaha kahanjikile ngwenyi, “Lunga lyami.” Ikiye ambile ngwenyi, “Ndumbwami walunga wamwaza,” kaha omwo ikiye angukumbachile, kwejile pwevo weka kwimana haze, uze angukumbachile, kaha jino Hope amukumbachile uze pwevo; na vosena. Kaha Ngwashinganyekele, “Mamalelo, echi chatela kupwa chuma chimwe chakulihandununa. Echi kachatela kupwa . . . Kuli chumachimwe . . .” Ngwashinganyekele, “Mamalelo, kutala Nanguhasa kukinduluka kuli uze kunyama ya mwaka cheka?”

145 Ngwatalile nakujinguluka jino. Ngwashinganyekele, “Chuma muka echi?” Kaha Ngwatalile, kanawa. Kaha Ngwa—Ngwambile ngwami, “Ngwa—Ngwahono kwivwushisa echi.” Oloze Hope asolokele nge kupwa, mamalelo, ngeji wamulemu. Ikiye kahandunukileko, oloze kupwa kaha nge ngeji wamulemu.

146 Kaha Ngwevwile Lizu jino lize lyahanjikile kuli yami, lize lyapwile mukapete, ngwalyo, “Echi chikiko ove wanangwile kupwa Shipilitu Wajila. Eyi yikiko Zangi yakukupuka. Kaha kakweshi chuma chimwe nachingila Munu Chakuyizeneka.”

147 Ngunafwila chikuma, kuhambakana kuyima muchiyoyelo chami, nge nachitondeka Zangi, kwingila Muze. Muze kamweshi lwisoko. Muze kamweshi kuzeyako. Muze kamweshi kufwako. Misongo kayeshi kuhasa kwingila, Muzeko. Kufwa; kacheshi—kacheshi kuhasa kukulingisa kupwa kashinakaji. Kaha . . . Vakiko kavahasile kulilako. Chapwile kuwahilila chimwe.

148 “Mamalelo, ndumbwami walunga wamwaza!” Kaha vakiko vanguzundwile, nakunguhaka hachihela chachinene helu.

149 Ngwashinganyekele, “Kangweshi nakulotako. Nguli nakutala kuyima ha mujimba wami—wami kusavala haze ha kahela.”

150 Kaha vakiko vanguhakile haze. Kaha Ngwambile ngwami, “Mamalelo, Kangwatela kutwama hanoko.”

151 Kaha kwejile pwevo na malunga, kufuma kusali josena jivali, muzevene muukweze wavo, kutambakana. Kaha pwevo umwe apwile natwame haze, kaha ikiye atambakanyine, “Mamalelo, ndumbwami walunga wamwaza! Mamalelo, etu twawahilila chikuma hakukumona ove Kuno.”

Ngwambile ngwami, “Ngunahono kwivwushisa echi.”

152 Kaha jino lize Lizu lize lyapwile nakuhanjika, kufuma helu hali yami, ngwalyo, “Unatachikiza, echi vachisoneka mu Mbimbiliya nge tupolofweto navakakunguluka hamwe na vathu javo.”

Kaha Ngwambile ngwami, “Eyo. Ngunanuka echi mu Chisoneka.”

Ngwalyo, “Chamwaza, omu mukiko ove naukakunguluka na vathu jove.”

Ngwambile ngwami, “Kahajino nachikaya nakupwa vene, kaha Nguli nakuvevwa vakiko.”

“Mamalelo, eyo.”

¹⁵³ Ngwambile ngwami, “Oloze, kuli mamiliyoni. Kakweshi vaka Branham vavavulu.”

¹⁵⁴ Kaha lize Lizu lyambile ngwalyo, “Kaveshi vaka Branham ko. Ava vakiko vaze walumwine. Ava vakiko ove watwaminyinyine kuli Mwata.” Kaha ngwambile ngwami, “Vamwe vaze mapwevo, vaze ove unashinganyeka kupwa vamwaza, vapwile vakuhambakana myaka nite yakusemuka omwo ove watwaminyinyine kuli Mwata. Chikangaho vakiko vali nakutambakana, ‘Ndumbwetu walunga wamwaza!’”

¹⁵⁵ Kaha vakiko vatambakanyine, vosena hamwe, ngwavo, “Kachi ove kawayileko, kachi katweshi Kunoko.”

Ngwatalile nakujinguluka. Ngwashinganyekele, “Chamwaza, Ngunahono kuchivwishisa.”

Ngwambile ngwami, “Mamalelo, nyi Yesu ali kulihi? Ngwatondo kumumona Ikiye, chikuma kuma.”

¹⁵⁶ Vakiko vambile ngwavo, “Jino, Ikiye ali kaha chindende helu, helu haze.” Ngwavo, “Likumbi limwe Ikiye mwakakeza kuli ove.” Talenu? Ngwavo, “Ove vakutumine, kupwa twamina. Kaha Kalunga mwakeza. Kaha omwo Ikiye mwakeza, Ikiye mwakaya nakukusopesa ove kutesekesa navize ove watunangwile, chatete, chipwe vakiko navakaya mokomoko nduma. Etu natukaya nakwngila kutesekesa nakunangula chove.”

¹⁵⁷ Ngwambile ngwami, “Mamalelo, Ngunawahilila chikuma kuma. Kumana Paulu, naikiye mwakemana ngachize? Kumana Petulu mwakemana ngachize?”

“Eyo.”

¹⁵⁸ Ngwambile ngwami, “Kahajino Ngwanangwile Lizu lyosena lize vakiko vanangwile. Kangwafumine Mulikikoko, kusali yimwe na ikwavo. Haze vakiko vajimikile mu Lijina Iya Yesu Kulishitu, Ngwalingile ngachize nawa. Haze vakiko vanangwile lujimiko Iwa muli Shipilitu Wajila, Ngwalingile ngachize nawa. Kala chuma vanangwile, Ngwalingile ngachize nawa.”

¹⁵⁹ Kaha vakiko vathu vatambakanyine, kaha ngwavo, “Etu tunatachikiza ngacho. Kaha etu tunatachikiza etu tuli nakuya na ove, likumbi limwe, kukinduluka kumavu.” Ngwavo, “Yesu mwakeza, kaha ove navakaya nakukusopesa kutesekesa na Lizu lize ove watunangwile. Kaha jino kachi ove wetavile

luze lwola, omwo naukapwa,” kaha vambile ngwavo, “jino ove mukatuluula kuli Ikiye, nge ndando ya mulimo wove.” Ngwavo, “Ove naukatutwaminyina kuli Ikiye, kaha, etu vosena, natukaya nakukinduluka hamavu, nakuyoya haya myaka na myaka.”

Ngwambile ngwami, “Kumana Ngwatela kukinduluka jino?”

“Eyo. Oloze twalilaho nakushindakanya.”

¹⁶⁰ Ngwatalile. Kaha Ngwawashile kumona vathu, nge omu Ngwawashile kuvamona, vapwile lika nakwiza, kutonda kungukumbata, kutambakana, “Ndumbwetu walunga wamwaza!”

¹⁶¹ Jino haze vene lize Lizu lyambile ngwalyo, “Vyosena vize ove wazangile, kaha vyosena vize vyakuzanga ove, Kalunga nakuhanevyo Kuno.” Kaha Ngwatalile. Kaha uze kawakami wamwaka ejile, ejile nakutambuka. Uze chimbulu chami ejile, kaha kuhaka mutwe wenyi hachifwiji chami, kaha kungulambisa. Ngwavo, “Vyosena vize ove wazanga, na vyosena vize ove wazangile, Kalunga nakuhanevyo mulivoko lyove, kuhichila mumulimo wove.”

Kaha ngwevwile Ami lyavene kutambuka kufuma muze mu Chihela chamwaza.

¹⁶² Kaha Ngwatalile nakujinguluka. Ngwambile ngwami, “Ove unatono, uchi wami?” Ikiye hanga nasavalila.

¹⁶³ Kaha Ngwawashinganyekele, “Ove Kalunga! Mamalelo, ngukafwe, Ove Kalunga. Kanda ukecha chami ngukejile kwitavila ha Lizu limweko. Echa ngutwame mwakusungama na eli Lizu, na Kulinangula. Kangwalizakaminako vika naviza mokomoko naviya, kala chuma mthuumwe mwalinga; va Saulu vangahi . . . vana va Kishi kukatuka, vangahi *oku*, *kuze*, mokomoko kusali *ikwavo*. Echa yami, Mwata, ngushindakanye kuli chize Chihela.” Woma wosena wakufwa . . .

¹⁶⁴ Nanguhanjika echi, na Mbimbiliya yami kumeso ami, chimene chino. Ngukwechi mukweze walunga hano, wamyaka yiwana yakusemuka, wakatela kukulisa. Ngukwechi kanyike wapwevo wa myaka naine; kaha kambulu, uze Yami ngunasakwilila, uze alumukilanga kuli Mwata. Kalunga, echa yami nguyoye, kuvaneha muwoma wa Kalunga.

¹⁶⁵ Kaha helu ya chize, kaye kosena kanasoloka kutambakana kuli yami, pwevo na lunga wa myaka naiteni, na vyosena, “Kachi ove kawayileko, kachi etu katweshi Kunoko.”

¹⁶⁶ Kaha, Kalunga, echa ngushindakaye jita. Oloze kachi nayiza nakukufwa, Kangweshi wakatelamoko. Nachiya chakuwahilila, nachiya nakupwa chakuwahilila, kwingila, kufuma muli chino kupola na sonyi.

¹⁶⁷ Kachi Nanguhasa, kwilu kuze, wani handulendi mbiliyone milosi helu, kupwa mwomumwe, kaha Zangi yakukupuka, kala

tambo muli eyi jila, yili yakupalakanya, palanga etu natuheta kuno etu tuli. Echi nachipwa kaha muvwimbimbi wa kupola, chize chimwe chachindende chize etu tunahase kwanuka nge kuli chuma chhimwe kumwe. Etu tunahono kutachikiza chuma muka Echi chili.

¹⁶⁸ Mamalelo, masepa jami vamwaza, vakuzanga, vakuzanga jami va Mujimbu wamwaza, vana vami vakulitulaho kuli Kalunga, ivwulilenu kuli yami, kafunga kenu. Enu, Ngunazange kachi kuze kwapwile jila yimwe Ngunahase kulumbununa echi kuli enu. Kakweshi numba mazu; Ngwahono numba kuwawana; katweshi numba kuwawana numba kumweko. Oloze kusali kaha yaechi kuhwima, kuli upahu wamwaza uze kanda lyehi mumone...Kakweshi numba jila yakuchilumbununa. Kakweshi numba jilako. Kangweshi numba kuhasako. Oloze kala chuma namulinga, sepa, tulika kusali vyuma vyosena palanga ove mutambula Zangi yakukupuka. Heta haseteko unahase kuzanga kala muthu, kala mukakole, vyuma vyosena.

¹⁶⁹ Chize chimwe chakuya Kuze, kuli yami, chinanglingisa kupwa muthu wakuhandunuka. Kangweshi, kangweshi, kangweshi kupwa Ndumbu walunga Branham youmwe nge muze Ngwapwileko. Chipwe thuhu jindeke jili nakundengandenga, chipwe miveso kuvyakuma, chipwe vandoji nauta hali yami, kalamwosena omwo chili, kacheshi chumako. Ngulinakuya nakushindakanya jita, ha likoji lya Kalunga. Mwomwo, Ngunanangula Mujimbu wamwaza kuli kala tengeso na kala muthu uze Ngunahase, kuvashinjila kuya kuze ku Lifuchi lya mwaza.

¹⁷⁰ Echi chinasoloka kupwa chachikalu. Echi chinahase kumbata ngolo jajivulu. Ngunahono kutachikiza nachishimbula ngachilihi. Etu tunahono kutachikiza, kuhanjika hauthu. Va... Kufuma mukuseseta likumbi likwavo, ikiye ambile ngwenyi, "Ove ukwechi myaka twende faifi myaka yakukola, chiyoyelo chamwaza. Ove unajikiza." Chize changukafwile. Oloze, mamalelo, chize kachapwile ngachizeko. Mukiko vene. Echi chili chuma chimwe mukachi *muno*. Echi kupola chatela kuvwala kuzeneka kupola. Echi kufwa chatela kuvwala kuzeneka kufwa.

¹⁷¹ Vana va Kishi vanahase kukatuka. Nguli...Vyosena vyuma vya mwaza vakiko veji kulinganga, Kangweshi nachuma chachipi chakuhanjika nakufumbukila echi, kuhana kuli vakakuhutwa na zangi. Kaha anuka, mwomwoika, Samwele amulwekele Saulu, "Ove nayove mukaya nakupolofweta." Kaha vavavulu vaze malunga vavanene, vanahase kunangula, vanahase kunangula Lizu nge vangelo vakulitulaho. Oloze hanga kayapwile punga ya Kalungako. Kalunga apwile mwangana wavo. Ndumbu walunga, wapwevo, ove echela Shipilitu Wajila akutwaminyine.

Echa tunongamenu mitwe yetu katando kaha.

Nguli wakuviza na usombo... Ngwatondo
 kumona Yesu,
 Ngunatondo kwivwa chize kuyema chajingezo
 ja muchau;
 Echi natomesa jila yami kaha nachifumisa
 woma;
 Mwata, echa tutale kunyima kusali ya lwola
 lwa lihina.

Mwata, echa ngutale kusali ya lihina ya ushona
 na woma,
 Echa ngutale kumunyika cha musana;
 Echi nachizamisa lufwelelo lwetu kaha
 nachifumisa woma;
 Mwata, echa vakiko vatale kuyima ya lihina lya
 lwola.

¹⁷² Ngunakunyuka, Mwata, kachi eli liuka, chimene chino, vanahase kutala kusali ya lihina: keshi kuyanda mukachi kavo, kuze kakweshi kupwa; keshi misongo; kakweshi chumako shina kukupuka. Kaha Chili kuhwima chimwe mukachi hano na Kuze, kufuma kuushinakaji na kuukweze, kufuma mulwola ku Hayamyaka, kufuma mukuzeya chahamene, kaha ushonawa zau, palanga lwola lwalelo lwa Hayamyaka mukukupuka.

¹⁷³ Ngwalombo, Kalunga, nge Ove muya nakukisula kala muthu hano, kachi kuze kuli vaze hano, Mwata, uze nahono kutachikiza Ove mujila ya Zangi. Kaha muchano, Tata, kakweshi chuma nachikengila muze Muchihela chajila chakuzeneka muyachi kana wa Zangi, chize Kusemuka chachihya, kupwa wakusemuka cheka. Ou Shipilitu Wajila, Kalunga, napu Zangi, kaha etu tunatachikiza nge nge muchano. Chipwethuhu kachi etu natututula jipili ha lufwelelo, kachi etu natulinga vyuma vyavinene, hanga, chakuzeneka Chize kuze, etu katweshi kuhasa kuyina aze manela amanene kuze. Oloze na Chize, Ize nayiya nakutukatula kufuma hakuzakama cha hamavu. Ngwalombo, Tata, nge Ove nauya nakukisula vathu hano.

¹⁷⁴ Kaha echa, chize, kala muthu uze nangwivwu, chimene echi, kwambulula Muchano, nge Ove pwako chinjiho, Mwata, nge Samwele wakashinakaji, "Kutala Ngunambulula kulivakiko kalachuma mu Lijina Lyove oloze chize chapwile muchano?" Vakiko vapwa vakakuyula. Kaha Ngunavalweka vakiko jino, Mwata, nge Ove ngutwale kuli Lifuchi. Kaha Ove watachikiza nge ou unapu muchano.

¹⁷⁵ Kaha jino, Tata, kachi kuli vamwe vakuzeneka kutachikiza Ove, echa elu lupwenga lwola luze vakiko vahanjike, "Mwata, haka mukachi kami pungwa yakupwa pungwa Yove." Tuhane echi, Tata.

176 Kaha jino, enu, namitwe yenu yakunongama, zundula mavoko enu, nakuhanjika, “Ngulombelenu, Ndumbu walunga Branham, Kalunga mukachi kami.”

177 Jino shimbu enu muli vakwoloka oho muli, kupwa kaha, mwomwoika namuhonena kuhanjika kuli Tata, “Kalunga, mukachi ka muchima, lelo, Ngunakane vyuma vyosena vya kaye. Ngunakane vyuma vyosena, kukuzanga Ove na kukuzachila Ove, chiyoyelo chami chosena. Kaha Nanguya, kufuma likumbi lino, hanovene, kukukavangaiza Ove, mu Chisoneka chosena cha Mbimbiliya Chove”? Kachi ove kavakujimikile mu kujimika cha Mukakulishitu, “Nanguya, Mwata.”

178 “Kachi kanda Ngutambule Shipilitu Wajila...” Ove muya nakutachikiza omwo ove Naumutambula. Echi nachiya nakukuhana—Echi nachiya nakukuhana ove kukunyuka na Love nge unatondo. Mamalelo, ove pamo munalingi mwakuhandunuka, mwapwanga na kwikwa chamujimba, nge enu munahase kutambakana mokomoko kuhanjika na malimi, echi chinapu chakwoloka. Oloze kachi ize Zangi ya Ukalunga kayeshi muzeko, ngufwelelenu jino, kuhanjika, “Mwata, chihela mukachi kamuchima, kaha mumono wami, kuhetuwa wa Shipilitu Yove, mangana Nguhase kuzanga, na kavumbi, na kupwa na Zangi ya Ukalunga mumuchima wami, lelo, mangana ungutwale yami kuli lize Lifuchi omwo kuhwima chami chamakumishilo,” shimbu etu twalombo. Enu lombenu, enu vavene, jino. Mujila yove ove lyavene, enu lombenu, lomba Kalunga kulinga ngachize hali enu.

179 Ngwamizanga. Ngwamizanga. Ove lunga wawele wamwaza natwame haze, uze nazata nangolo nakulisa vava vavandende! Ove wakuhutwa, mama wakashinakaji uli nakalepa na masoji mumeso avo! Echa ngumikunyukise, ndumbu wapwa, wakuzanga, echi kacheshi mujila kusali yikwavo kuze. Ngwafwelela nge Echi chilivene mukapete. Echi chili vene museteko ize etu twayoyelemo. Echi chili kupola chize etu natuyoyelamo jino.

180 “Oloze punga muli yami, Mwata, muchima Wove.” Enu lombenu, shimbu etu natulomba hamwe.

181 Nakalemesa, Mwata, hachikuku cha Lizu Lyove na Shipilitu Yove Wajila, etu tunawahilila nge etu tunatachikiza kulihi nakufuma Kusemuka chetu. Etu tunapu vakuwahilila nge etu “katwasemuka keshi mwaya muchima wa muthu, mokomoko mwaya muchima wa nyama, oloze mwaya muchima wa Kalunga.”

182 Kaha etu twalombo, lelo, Tata, nge vaze jino vali nakuhula likoji lyakukonekela, nge Shipilitu Yove mwaya nakulinga mulimo, Mwata. Kakwapwile jila hali yami yakulinga echi; Ngumuthu kaha, mwana walunga mukwavo wa Kishi. Oloze etu twatondo Ove, Shipilitu Wajila.

183 Kalunga, echa ngupwenga ge Samwele, umwe ambulwile Muchano wa Lizu. Kaha Ove unenjikiza Echi, shikaho, kaha Ngwafwelela nge Ove mwaya nakutwalilaho, kachi kaha Nangutwama muchano kuli Enu.

184 Echa vakiko vosena jino vatambule Kuyoya Chahayamyaka, Tata. Echa lino likumbi kanda kufuma kuli vakiko. Mu ola omwo vakiko kwiza nakuseza kano kaye, echa echi, chuma Ngunahanjika kuli vakiko, kusokolola kumuchano. Kaha nge etu tunatwame hano, uthu, lelo, kutala ha loloji yetu, kushinganyeka kulya chetu chaufuku, kuzata hamane, cha kuzakamina na kuyanda cha kuyoya, vakiko kaveshi kukapwako jino. Vakiko naviya nakuhita. Kakweshi kukapwa kuzakaminako; kaha umwe kuwahilila chachinene cha Hayamyaka. Vahane vakiko muyachi wa Kuyoya, Tata, muthu wosena. Kaha echa . . .

185 Ngwamilombo Enu echi, Tata, echi kala muthu chili hano chimene chino, chize vavwile yami kuhanjika echi chimweno, echa Nguliwane umwe navakwavo kusali yikwavo; chipwe pamo malunga hano chize nachihona kwitavila na yami, na mapwevo, nawa. Oloze, Tata, kanda wecha chize kwimana mujila yetu. Echa etu kuliwana navakiko Kuze, kaha vakiko kulaha, nawa, kaha etu kukwata umwe namukwavo, kutambakana, "Ndumbu walunga wamwaza." Echa echi chipwenga nge vachisolwele Kuze, Mwata, kuli muthuwosena, vosena vaze Ngwazanga, kaha vyosena vanguzanga. Ngwalombo nge nachiya nakupwa mujila, Mwata. Kaha Ngwazanga vakiko vosena. Echa vakiko kusoloka, Tata. Ngunavahane vakiko Kuyoya cha Hayamyaka jino. Echa vakiko valinge chihanda chavo, kwitavila Echi. Mwomwo Ngwalombo echi mu Lijina lya Yesu. Amena.

186 Etu tukwechi tando yayindende, kulombela vakakuviza. Ngunamono etu tukwechi chuma chachindende, kanyike wapwevo wakuviza hano, kaha pwevo wakalemesa muchitwamo.

187 Jino, kuli vandumbwenyi vamwaza, vandumbu vmapwevo, mwane kanda muhona kungwivushisa. Nguna—Ngunahono kutachikiza chuma muka chasolokele. Ngunahono kutachikiza chuma muka chasolokele. Oloze, Kalunga, omwo Nangufwa, echa ngukinduluke Kuze. Jino echa nguyenga kuli chize Chihela, kukiko Ngwatondo kupwa, kuze kwosena vapwile. Kangweshi na kweseka kupwa nge Paulu nge apwile wakukwachiwa muze mumelu amuchitatu. Yami kangweshi nakuhanjika chize. Ngwafwelela Ikiye apwile kaha nakweseka kukuzamikisa, kweseka kunguhana chumachimwe chachindende kungushinjika, mumulimo wami wauhya uli nakwiza.

¹⁸⁸ Nachisoloka kupwa chakuzeneka kupwa chakalemesa kachi Ngwatangile chumachimwe hano, munyutu kaha? Nauhasa kupwa chakwoloka? Lifuchi limwe kutwaminyina magajinyi, Billy Graham:

¹⁸⁹ “*Ndotolo Billy Graham Vamusanyikile Ku Ize Islam*, haweluka walipapilo lya *The Afrikans Times*, Kutatu ha fifiteni, 1960. Uze mukakusoneka wachize kusoneka, uze apwile Moslem, Mohammedan, kushinganyeka vize vikomwesa vyatela kukavangiza kunangula Mujimbu wa Kulishitu, youmwe zau, lelo, na hayamyaka. Etu tutange: ‘Echi chili: Kulishitu ashikile vakakukavangiza Jenyi, omwo Ikiye ahanjikile, “Wosena mwafwelela hali Yami, milimo eyi Ngweji kulinganga ikiye mwakayilinga nawa; kuhambakana na eyi ikiye mwakaya nakuyilinga.” Kumana Liuka linalingi mulimo, uze, una—una hakilako kuli Kulishitu mu Mbimbiliya? Linahase lelo? Kumana enu liuka munahase kuhandununa, kuzata numba chimbwa cha vikomwesa wakuzata kuli Kulishitu, keshi kuhanjika “milimo yayinene”? Munahase enu, kupwa nge hakapanji, wakutachikiza, lihako lya Vakakulishitu, kusangula, kusangula wakufwa kumuneha kukuyoya? Munahase kutambuka hakalungalwiji? Munahase kuhindula mukakuviza na kuhana meso kuli kapuputa? Echi keshi echi, kutesekesa nakuhenga echi twavuluka helu, kuvuluka vaka Mohammed? Mokomoko kuhaka, mokomoko kweseka hali Kulishitu...?. . .vakakukavangiza nge hanjikiso yavamwe, mokomoko mukufwelela chenu?” Mikanda yayivulu ya va Moslem yinahanjika hatoma kujimblisa hanjikiso yimwe hanyima yayikwavo.”

¹⁹⁰ Vakiko vahona kuvumbika va Moslem, oloze ikiye apwile wakwoloka. Oloze hano mukiko vakiko vahanjikile:

¹⁹¹ “Kukumbulula chamwaza shina kutanga Mbimbiliya, na kutachikiza Koran. Vaka Koran kuyanda chize ha... ha... kuyanda ha kupezalisa. Valivuluka chi Mohammendism kwimanyinako na kuhambakana Vakakulishitu, hatoma,” (b-o-m-b-a-s-t-i-c) “bombastic,” (Ngunashinganyeka), “kujinuoka. Mukakusoneka, chipwengocho, nakwate hamutwe uveve wakuvuluka vikomwesa vyakupandama ku Liuka. Oloze hano cheka etu natukakasana kushishika cha mukakusoneka, uze ahashile kwinyika kaha nakukakanavikomwesa vanalingi kuli Rev. William Branham kumeso ava Moslem mu South Africa, omwo teni sauzande kutambula Kulishitu kupwa Mulwilo mwishi ya mulimo wa William Branham, kuze ku Durban, South Africa, na kwosena kwahita kaye, mokomoko ku T.L. Osborn mu East Africa? Mukiko vene, etu tunemana handulendi peseti hali Billy Graham. Etu twahanjikile nakwinyika ha chihula, chili chakuzeneka... Echi kwinyika cha echi chihula kacheshi na ulemuko.”

192 Oloze mukachi ka vyuma vyosena evi (vakiko vangusanyikile...ngwavo etu twapwile vakuzaluka, etu katwatachikiza chuma muka etu tuli nakulinga.), vakiko vapwile na chinjiho, mu lipapilo lyavo, nge Kalunga kachilingileko, mwosena omwo. Kalunga apwa lika Kalunga, lelo, nge omu Ikiye apwilenga. Enu munahase kushinganyeka nge vakiko kavafwelelako, vakiko kavachimonako. Chapwile kaha chakusweka; kavachilingile mumbangoko. Kaha handulendi ya masauzande ava vathu kutwama kuze, kutala chize. Omwo vakikovamwene uze wakukalava, kanyike walunga wakuyanjisa kwiza kuze, Shipilitu Wajila amulwekele ha chiyoyelo chenyi, na vyuma, na chumamuka chasolokele kuze. Kaha kumona va Moslem masauzande kusavala vavene hamavu, kuswanga, kwitavila Yesu Kulishitu kupwa Mulwilo wavo.

193 Etu tukwechi T. L. Osborn, na vyangocho, uze achili nakulisa Kulya cha mikoko. Ngunashinganyeka Ndumbu walunga Osborn kapwilenga kuze mukachi ka va Moslem. Vakiko valivulukile kupwa vatwamamo. Oloze etu twatwama na Kalunga uze eji kulwilanga mukoko kufuma kuli ndumba, nahase kulwila mukoko kufuma mukanwa ka mulusu.

194 Chize changulingile mwamwaza kutachikiza nge vakiko vatela kusoneka na kuchitachikiza. Nduma, vakiko vashinganyekele kacheshi kuhasako; vakiko vatambukile nakuya nakutalisako nyima, kaha vambile ngwavo, “Ha, makumbi kana ahita lyehi.”

195 Va Moslem vambile ngwavo, “Vakiko vapwa? Mbimbiliya yosena jino yahita lyehi. Enu vosena mwahenga. Enu muli nakulifukula Muthu, Muthu uze wakufwa, kaha Lijina Lyenyi apwile Yesu. Kaha Ikiye afwile, kunyima okwo, kaha kakweshi chuma changachizeko nge Ikiye asanguka.”

196 Oloze vakiko kavahanjikile echi kuze kukuliwana cha ku Durban. Ikiye emanyine Kuze kulinga vyuma vyovimwe vize Ikiye alingile, ejikijile kuli vakiko. Jino numbathu vi—vi kungulwilo vyatela kukinduluka, uze vene muthu uze asonekele na kungulweka nge Ngwatela kulandula kunangula chami mu Mbimbiliya, apwile uze asonekele nge mulipapilo lyavo. Kalunga mwaya nakuvalingisa kumwalisa Ikiye, mwosena omwo, jino, chipwe chipwenga ngachilihi. Echi chakwoloka. Ikiye mwaya nakuvalingisa vakiko kumwalisa Ikiye, mwosena omwo.

197 Etu tukwechi kakandende, kanyike wapwevo wakuviza natwame haze. Owo napu mwana ove? Ukalu wenyi uka, ndumbu wapwevo? [Uze ndumbu wapwevo ngwenyi, “Uli mukila wa muwongo.”—Muka.] Mama? [“Mukila wamuwongo.”] Mukila wa muwongo. [“Ngwachisonekele kuli ove, myaka yakunyima, hali mukila wamuwongo.”] Mamalelo, yaa. [“Ikiye napunga nakuviza jino, mummyaka yiwana mu Kukumi.”] Myaka yiwana, mu Kukumi. [“Ndumbu walunga Neville napunga

nakuya nakumumona.”] Mamalelo, nafuma ku Marengo, mokomoko kumwe kwakufwana nge kuze? [“Paoli.”] Paoli. Ou ikiye uze kanyike wapevo, jino? Kuli kaha chuma chimwe, mama, chinahase kulwila kanyike wapwevo: shina, Kalunga kumutachikiza ikiye. [“Ikiye alikanawa kuhambakana omu apwile.”] Ngunawahilila chikuma hali chize.

¹⁹⁸ Ove wamulembelela lyehi ikiye, Ndumbu walunga Neville? [Ndumbu walunga Neville ambile ngwenyi, “Eyo, mwane.”—Muka.] Kufuma haze Ndumbu walunga Neville ayile kuze nakumulembelela, ikiye apwile nakanawa. Kuchili tufunga vatachikiza Kulya cha mikoko.

¹⁹⁹ Ukalu wove uka, ndumbu wapwevo wamwaza, unatwame muchitwamo omwo, wove? [Ndumbu umwe wapwevo ambile ngwenyi, “Ikiye ali na kansa.”—Muka.] Kansa.

²⁰⁰ Chamwaza, kachi Nanguhasa kaha kumuhula chuma chimwe, pamo hano vene. Vangahi muno vayoyoa lyehi na... mwomwo ya kansa? Zundula mavoko enu. Tala kuno, ndumbu wapwevo. [“Ikiye ali kajika matwitwi, kaha keshi kuhasa kwivwa chuma muka muhajika.”—Muka.]

²⁰¹ Kalunga napu Mukakuka. Etu tunatachikiza ngocho. Kachi Nangukulweka Ngunahase kuya kuze na kufumisa uze mukila hali uze kanyike wapevo nakumulingisa kanawa, Nanguya nakumilweka mwakuhenga, mokomoko, kuhasa kufumisa kansa hali ou pwevo. Oloze Ngunatachikiza chuma chimwe, kuze kwapwile mulusu (kansa, ufa, upuputa, na kufwa) akwachile vamwe mikoko ja Kalunga, likumbi limwe, kaha Ngwayile kulutwe na ngolo ja Kalunga, kaha Ngwamujihile na kuneha uze mukoko cheka. Echi chakwoloka. Kaha etu kuya kulutwe, keshi na chuma chachinene, *mungaji mukananga*. Nanguya kaha na malekenyi akulombelela. Ikiye mwaya nakumukindulwisa.

²⁰² Ove wafwelela echi, keshi ngocho, ndumbu wapevo? Ove wafwelela, nawa, keshi ngocho, ndumbu wapwevo? Vangahi muli enu wafwelela na muchima wove jino?

²⁰³ Jino enu nongamenu mitwe yenu shimbu Nanguya nakulomba.

²⁰⁴ Tata wa Mwaza, pwevo wamukweze wamwaza nasavala haze, uze keshi kuhasa kutambukako cheka, mokomoko kujinguluka, kuvangila Ove mumukafwa ikiye. Uze mukakole namukwate. Ikiye ali wakuambakana mwakufwa cha ndotolo. Ou mukakole namunyikisa nakumutwala kusali yachihela, palanga ndotolo navahona kulinga chuma chimwe. Oloze ikiye keshi kukuhona Kukukwata oveko, Mwata. Ikiye haze vene Ove unahase kuhaka livoko Lyove hali ikiye. Ha chikuku cha Lizu lya Kalunga, Ngunahake mavoko ami hali ou mukweze wapwevo, na kupaisa mukila wa muwongo. Mu Lijina lya Yesu Kulishitu, kumusanyika cheka ku pwevo wamwenemwene cheka. Ikiye mwaya nakuyoya kuupahu wa

Kalunga. Echa ikiye apwenga kanawa, kutambuka mu na kuweluka wa liuka, nge veka uze akwechi kwiza nakwingilamo, kulifwana kuli echi, kuhana kwalisa kuli Kalunga. Shikaho kupwa, kuhita muli Yesu Kulishitu.

²⁰⁵ Nge mbundu ya mujikambu jenyi, chindende kaha nakujinguluka, kaha ikiye mwaya nakupwa muno mu Lifuchi kusali kuze Ngwamwene ushinakaji wauchi cheka, oloze mukweze. Oloze wenyi wakuzanga wenyi natwame haze, anakulila, kaha vakiko vamuzanga ikiye. Mukakole wamunene uze amukwachile ikiye na kumunyikisa kusali kwakuheta ndotolo, ndumba wawoma wa kansa. Kalunga, Nguneza, hanyima yenyi. Nguneza nakumuneha cheka. Ngwamujihile uze ndumba wa kansa, mu Lijina lya Kulishitu lya kuzeneka kuhona, Uze Yami ngwapwa muluwa wenyi. Echa umusesa, kaha echa ikiye apwenga kanawa, na kuyoya myaka yayivulu, oloze, kukavumbi na upahu wa Kalunga, kuhichila muli Yesu Kulishitu Mwata wetu.

²⁰⁶ Jino, Tata Wamelu, chize kacheshi kaha mujita yayinene, keshi likunga lyakuwahisa kanawako, lilimi na kuhanjika chimwe chamwaza, oloze na kufwila, malekenyi amandende wa lufwelelo. Ngunejile hali ou mwono, na mujimba wenyi nge mukakole wa kansa na mukwate kuhambakana kuheta cha ndotolo. Oloze Nguneza hali ikiye, chimene chino, Mwata, kuneha cheka chimbete chamwilu na meya atuta. Mu Lijina lya kufungulula cha Yesu, ou Yami Ngwapwa muluwa wenyi. Na lufwelelo lwakuzeneka kulyonga, Ngwafwelela nge ikiye navakamukindulwisa cheka, na ngolo ja kulomba chenye etu twalombo. Shikaho chipwe ngocho...?...

²⁰⁷ (Ngwafwelela kuze kuli kutangisa cha lujimiko. Kuchili?) [Ndumbu walunga Neville ambile ngwenyi, “Eyo, mwane. Vakakunangula vali akwechi masepa atela kujimika.”—Muka.]

²⁰⁸ Unahase kuzundula mutwe wove tando yayindende? Ou kafunga nangulweke...

²⁰⁹ Ava vathu vali vene, vakuviza. Vakiko navaya nakupwa kanawa. Kanda kaha... Echi chili chakwoloka. Kalunga ashika kuzeneka kuhona. Etu natuya kulutwe lwavo.

²¹⁰ Vakiko vali nakutangisa cha lujimiko. Kuli vathu vamwe vatela kuya. Etu tuli nakuya nakupwa nakutanga cheka ufukuuno.

²¹¹ Kuliko umwe hano uze keshi kuhasa kwiza ufukuuno, natondo etu kuhana kulombelela hai ove jino, uze keshi hanoko ufukuuno? Unahase kwiza kuno vene, enu kamweshi kuhasa kwizako ufukuuno. Nanguya nakupwa nalwola lwaluvulu; kupwa namukana wakulombelela, ufukuuno. Vakiko vatela kujimika ava vathu.

²¹² Ove ukwechi kanyike walunga kuze? Chosena chakwoloka. [Ndumbu umwe walunga kuhanjika, “Chosena chakwoloka

kachi Nangumihana echi?”—Muka.] Eyo, ndumbu walunga. Ngwakusakwila ove, chikuma. Echi chili chakwoloka kachi Nangutanga chindende mokomoko hano jino? Ngwakusakwila ove, chikuma.

213 Jino kachi enu namutuhana etu munyutu kaha mokomoko yivali chindende, etu jino natuya nakupwa na—na kutanga cha—cha lujimiko. Ngunatachikiza enu namuya nakutonda kumona echi.

214 Kaha vase vali nakufwila kuvajimika chino chimene, chamwaza, enu, mapwevo vakalemesa yanu *kuze* na kuzula uvwalo wenu, kaha malunga yenu kusali *eyi*. Kaha jino shimbu Nguli nakulombela vathu vakakuviza, jino enu munahase kupwa vakulizanga kupwa kukutanga chalujimiko. Kaha vase jino veji. . .

215 Jino, ufukuuno, Nanguya nakweseka kulaha na—na mukana wakulombelela, ufukuuno, kuya kaha, washi shimbu vakiko vali nakwiza. Kaha etu natuya nakuputuka mu Mukanda watete wa Efwesu, ufukuuno. Kaha etu natuya nakupwa wakuwahilila jino kupwa naenu, kachi ove kaweshi naliukako lya kuyako. Oloze kachi ove ukwechi kafunga kove na liuka, jino enu—enu pwenu kuliuka lyenu lya mwaza kuze ove weji kukafwanga.

216 Kachi ove uli nakwakuya, kaha watela kuya lwola luno, Kalunga amikisule. Pwenu na etu cheka omwo enu namuhashila. Etu natuya nakupwa vakuwahilila kupwa naenu.

217 Ove uli hano kukulombelela, nawa, ndumbu walunga? Ukalu wove uka? Kulaha cha manyinga.

218 Jino, enu vosena, shimbu enu namunongama mitwe yenu, munyutu kaha, etu twatondo kulomba.

219 Tata, Ngwakusakwilila Ove, lelo, ha malekenyi akafunga amandende, kulomba chize chanehele ndumba hamambuli eyi, kaha uze mwana mukoko wamundende vamutambwile nakumufumisa kuli ikiye, na kumutwala kuli naye na ise. Ngwalombo hali ndumbwetu walunga. Ngunalombo nge Ove nauya nakumukindilwisa kanawa, nawa, Mwata. Echa kulaha cha manyinga na maukalu amujimba akume. Nanguya nakumukavangiza, Mwata, munehe cheka, mu Lijina lya Yesu Kulishitu. Shikaho chipwenga. Amena.

Kalunga akukisule, ndumbu walunga.

Kuya nakushikumuka, Ngunamono ove kukwata chindende, kanyike walunga wakapuputa.

220 Chuma chimwe chikwavo Ngunatando kuhanjika. Ngwapwile. . . wakuviza chikuma, ngwapwile nakusaza. Kaha Ngwashingtonyeka. . . Kangwazangile enu echi kumihita, kachi munahase. Ngwashingtonyeka, “Kalunga, chuma muka Nanguhana kachi Nanguhasa kwivwa muthuumwe kwimana

kuweluka? Pwevo lyami mwaya nakuhanjika, ‘Billy, kuli kashinakaji wamwaka hano natondo kukumona.’

221 “Kaha hano ejile wamundende, mutwe walyaja na wele zuzulu kumeso eyi. Ikiye kutambuka nakwingila, kuhanjika, ‘Ove yove Ndumbu walunga Branham?’

“Nanguhanjika, ‘Eyo, mwane, Yami vene.’

222 “‘Lijina lyami yami Simon.’ Kuhaka livoko lyenyi hali yami, na kutala hali yami mumunyutu. Kuhanjika, ‘Ove wapwa mukakufwelela, Ndumbu walunga Branham.’

“‘Eyo.’

223 “‘Echi nachiya nakupwa chakwoloka.’ Simon Peter, wa Mbimbiliya. Omu Nanguya nakusakwilila echi! Ikiye atelele kuhanjika chikuma. Kuhaka kaha livoko lyenyi hali yami, kupwa kaha chakwoloka.”

224 Kaha jino chuma muka chejile kuli yami, ha kukafwa cha Kalunga, naha likoji lya Kalunga, kuli masauzande avathu teni kufwelela chuma chochimwe, kachi Nanguya kuli vakiko. Kaha Ngwashinganyekele, “Mwata, echa yami ngumbate umwe wosena Nanguhasa, jino. Echa yami kaha—kaha . . .”

225 Ngwashinganyeka, “Kachi Simon, mokomoko Paulu, vamwe vavo, twaya kaha na kuhanjika, ‘Ove Ndumbu walunga Branham?’

“‘Eyo.’

226 “Kuhaka mavoko avo hali yami, na kutala hali yami, nakuhanjika, ‘Chosena chakwoloka, Ndumbu walunga Branham,’ tambuka kaha nakuya.

227 “Nanguya nakupwa kanawa. Nanguya nakupwa kanawa. Punduvene. Ngwambile ngwami . . . Kanyike walunga, kuhamuka chami kumbata echi jino. Nanguhanjika, ‘Yami nanguya nakupwa kanawa.’” Eyo, mwane.

228 Kaha kuli vathu vanafwelela nge chuma chimwe lelo. Kaha chize chikiko chikiko chuma Ngulinakwijila hano nakulinga, kuhaka mavoko hali enu, kulomba Kalunga.

229 Ngwatondo kuya na kanyike walunga wamundende, ndumbu wapwevo, mumunyutu kaha. Ikiye ali kaha wamundende, kanyike wakupuputa. Napunga kapuputa hamyaka yingahi? [Ndumbu wapwevo kuhanjika, “Kufuma kukusemuka chenyi.”—Muka.] Kufuma kukusemuka.

230 Mwoyo, kanyike walunga wamundende! Mamalelo, ove unahase kupwa kanawa, kanyike walunga . . .? . . .

231 Ove Kalunga walikoji! Kusali yakuheta cha mandotolo, ha kusemuka cha ou kanyike walunga, kupwa wakusemuka kapuputa, kaha ikiye keshi kuhasa kumona; echi kuwaha, kanyike walunga wakuzanga. Kaha mukakole, shimbu ou wamundende ali nalihanya mukuyoya, kumuhukula

kusali yakuze vanaho ndotolo kuheta. Shikaho, Nguli nakwiza kulovoka hali ikiye, echi chimene, Mwata. Echi chachashi, malekenyi wamandende akulomba. Echa yami ngumukindulwisa kunyima, Kalunga. Ngunaliwane na mukakole, liyavolo, mu Lijina lya Yesu Kulishitu, kaha Ngunatambula ou kanyike walunga hali Kalunga. Ngunatambula kumona chenyi, hali Kalunga, kumuhana ikiye cheka chize Satana evile kufuma kuli ikiye. Echa ikiye apwenga nacho. Mu Lijina lya Yesu Kulishitu, nachiya nakupwa. Jino, shikaho chipwenga ngocho.

²³² Jino, ndumbu wapwevo, jino, kanda kupwa na chuma chimwe chakukakasana hali ou kanyike walunga wamundende mwaya nakupwa kanawa. Kaha Ngwatondo enu, kumuneha hano ha liuka, na kulwekesa vathu, ikiye nahase kumona, jino, keshi ngochoko?

Muhane ikiye kumona chenyi, mu Lijina lya Yesu Kulishitu...?...

²³³ Mwata Yesu, kuhaka... Ou umwe wamundende uze etu twalombelela chikuma ngana! Oloze, chimene chino, Nguneza cheka mu Lijina lya Yesu Kulishitu, kulongejeke malakenyi awa Unanguhane yami. Kaha Ove unangukafwe na echi, Mwata, ha Ngolo Jove, kumbata... kufumisa mukanwa kansa, kufumisa mukanwa ka kufwa chivene, kusangula kufwa hanyima vakiko vanamuvuluka kupwa wakufwa, kaha nasavala nominyina na natutu. Nguneza nakukatukila ou mukakole, mu Lijina lya Yesu Kulishitu. Shikaho neha kulikangula cheka, Mwata. Tuhane echi. Shikaho echi chilingike, ha upahu wa Kalunga.

²³⁴ Kaha ove upwenga vakulembelela? [Ndumbu wapwevo kuahnjika na Ndumbu walunga Branham—Muka.] Ove wafwelela? ["Eyo."] Mwata, Ngunamunehe, mukuhetesa cha makalekenyi. Mu Lijina lya Yesu Kulishitu, echa amuseze na kuhona kukinduluka cheka.

²³⁵ [Ndumbu wapwevo kuhanjika na Ndumbu walunga Branham—Muka.] Chamwaza, malekenyi amandende, nakuya na kumbata Ndumbu walunga Harley, na mwana wapwevo na ove lyavene.

²³⁶ Jino, Tata Mwilu, Nguneza hanyima ya mukakole, kuzachisa malekenyi amandende nge Ove munguhane, mwomwo Ove wambile, "Kachi ove mumbata vathu kufwelela, na kupwa wakushishika omwo ove mulomba," lilolwa lyalindende namuya nakuheta ha kujihila. Echa ayenga jino, Mwata, nge Ngunayitumu kuli ikiye. Mu Lijina lya Yesu Kulishitu, echa chipwengocho. Amena.

²³⁷ [Ndumbu wapwevo na Ndumbu walunga Branham—Muka.] Chosena chakwoloka, ndumbu wapwevo. Jino etu tuli... Mishisa yinahambakana haze hakuheeta mandotolo. Vakiko vanahase kumihana enu chumachimwe chakumiholesa, oloze

nachiya nakuwezelako, hanyima yachize. Yaah. Jino tala. Etu tulinakuya hanyima ya echi, chimene chino. Kuya nakulovoka; kukukindulwisa. [Hatepu hapimbi.]

²³⁸ Mwata Yesu, . . . [Hatepu hapimbi—Muka.] . . . malolwa amandende atanu, l-u-f-w-e-l-e-l-o, na malekenyi akulombelela. Kaha Ngulinakuneha cheka ndumbwami wapwevo kufuma mumikombo ya kulizakamina . . . ? . . . kusali kuze. Nguli nakuneha cheka kuunda na mwila ututa na meya akuunda. Ngweji kulinga echi mu Lijina lya Yesu Kulishitu. Amena.

[Ndumbu wapwevo kuhanjika na Ndumbu walunga Branham—Muka.]

²³⁹ Tata Kalunga, ou kanyike wapwevo wamundende, etu twawahilila nge kachapwile kulikasa cha mishisako. Oloze chipwe ngocho kala chuma chapwile, echi chililika kuhetuwa Chove, Mwata. Kaha Nguneza na malekenyi amandende a lufwelelo, na eli lilolwa. Kaha Ngwashindakanya eli lilolwa na ngolo josena chize Ngunahase kumbila. Mu Lijina lya Yesu Kulishitu, echa likwate ha mango vene. Echa ndumbwetu wapwevo pwako kanawa. Ngunalingi echi mu Lijina lya Yesu Kulishitu.

[Ndumbu wapwevo kuhanjika kuli Ndumbu walunga Branham—Muka.]

²⁴⁰ Nge ou mama wamukweze, na wana waundende, umwe waundende ali nautonda kuliwana nawo musali, kusali yikwavo, muze mu Lifuchi lya upahu chize Ngwahanjikile, na vakiko . . . Ou mama keshi kuyoya nakuzeko . . . kusanguka cha uze mukweze, kaha chipwe uze mukweze nahase kuyoya nakushimbula chakuzeneka kukafwa Chove. Oloze Nguli nakwiza na malekenyi, na ngolo josena na kufwila chize Ngunahase kumbata mukakole. Kaha mu Lijina lya Yesu Kulishitu, Ngunase eli ikiye. Vakiko navakaya nakupwa kanawa, ha upahu wa Kalunga. Mu Lijina lya Yesu. Amena.

[Ndumbu wapwevo kuhanjika na Ndumbu walunga Branham—Muka.]

²⁴¹ Mamalelo, echi chili kanawa. Ngunawahilila. Chamwaza, ou mulimo, jino, wapwile mulimo waunene kwinyika hali vathu. Echi kwinyika kuzata . . . ? . . .

²⁴² Tata Wetu wa Mwilu, Satana nahukula ou mama wamundende kusali yakuheta cha mandondolo. Vakiko vanahase kaha kwasa lilolwa kulifumisa mujila, Mwata, nge nachiya kaha nakumupula, nakujinguluka, kuhona kumulingisa ikiye kutachikiza okwo ikiye ali. Kaha jino omwo ikiye ejile, ali muukalu. Oloze Nguli nakwiza namalekenyi alufwelelo, na lilolwa, kwinyika na kwinyika cha pungu, kuheta ha zero muze mwakwashila. Mu Lijina lya Yesu Kulishitu, Ngunambate

echi kulizakamina kufuma hali ikiye, ha upahu wa Kalunga. Amena.

[Muthuumwe kuhanjika na Ndumbu walunga Branham—Muka.]

²⁴³ Kalunga Wamwaza, Ndumbu walunga George nasavala haze, kufwa, keshi kunyima chikumako, Ngwamono lufwelelo chuma muka chalingile hali ikiye. Jino ikiye akwechi mishisamishisa, Mwata. Etu tunatachikiza nge vakiko vanahase kumuhana ikiye vitumbo vimwe, chumachimwe nge kuneha nge chuma chimwe cha kukola, oloze kavyahashile kufumisa chuma kanako. Shikaho etu twajinyi echi kulomba, mu Lijina Iya Yesu Kulishitu. Echa echi mishisamishisa kuya. Echa ikiye ayenga kwimbo na kupwa kanawa.

Ngwasakwilila, ndumbu walunga.


²⁴⁴ Shangwenu mwane, wakuzanga? [Ndumbu walunga kuhanjika na Ndumbu walunga Branham—Muka.] Mama, yami! Kujikwa matwitwi. Muli nakwivwa vyosena? Huu-hu. Kusali kaha yakuheta cha uthu! Ove wapwa mukakufwelela muli Mwata Yesu? [Uze ndumbu wapwevo ngwenyi, “Amena.”] Ngunamono kuwaha cha pwevo Kuze, likumbi limwe amakumbi. Ove muya nakupwa cheka mukweze hayamyaka. Ngunatachikiza ove unatondo kuyoya jino mu Upahu Wenyi. kukinduluka na . . .

²⁴⁵ [Uze ndumbu wapwevo ngwenyi, “Nduma, Ngunanyengetela hali mwanami walunga.”—Muka.] Mwanove walunga. [“Uze wakujimba munahichi myaka yivali.”] Kaweshi kuhasa kumuwanako? [“Ikiye ali mulivoko Iya Kalunga.”] Mamalelo, ikiye—ikiye ayililile? [“Hu-uu. Kuhichita muchinema cha kufwa.”] Mamalelo, nge. [“Kaha kunyengetela chami.”] Kunyengetela vene. Yaa. [“Ngunanyengetela . . . Ngunanyengetela vene. Kaha Ngulinakwivwa nge, kachi yinapu punga ya Kalunga, Ngunasake Ikiye kungumbata yami. Kangweshi nachumako oloze kuwahilila muli Ikiye.”]

²⁴⁶ Ndumbu wamwaza, Ngwatondo ove kuya nakupwa haze ove mwivwa kanawa. Kumana ikiye evwile chimweno, chimene chino? [Uze mukwavo ndumbu wapwevo kuhanjika, “Ikiye nahase kwivwa kanawa.”—Muka.] Chamwaza, ove mulweke.

²⁴⁷ Chamwaza, ikiye mwaza nakukulweka chuma muka nachisoloka. Kusali yakuhwima chove hano, uze kanyike walunga wamwaza ali nakukuvandamina ove. Ove mukaya nakupwa mukweze nge ikiye. Zangi, zangi kaha . . . [Uze ndumbu wapwevo ngwenyi, “Kangute kutwama. Ngwatondo kuya kuli ikiye, kachi Kalunga mwetavila.”—Muka.]

²⁴⁸ Ove Tata wa Mwilu, kulaha chakuyoya hamavu vanachilahe Iyehi. Kakweshi chuma chekako chinasaleko. Kaha kanyike wamwaza walunga, nazauka kaha kalwiji, kachi ikiye nahase kutala kunyima, ikiye kachi mwahanjika, “Makumbi

amandende kaha.” Ikiye ali nakuvandamina wato, Mwata, uze naumbata nakuhita mumbundu, kuya ku Lifuchi lyaupahu. Mukisule, Tata, nakumuvendejeka muchima wenyi. Kaha echa kupwenga kulinunga chachinene, kusali kaha yakalwiji. 

MWANGANA VANAKANE LVE60-0515M

(The Rejected King)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chimene, Kashikana 15, 1960, mu Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2021 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org